

1  
ECA  
OV.  
NE



BIBLIOTECA  
SEMINARIO V.  
PORDENONE

B

B

BAL

XI - 2  
600



BERNARDINI BALDINI

LVSVS AD. M. ANTONIVM

BAEDINVM FRATRIS FILIVM.

Permissu Superiorum.



MEDIOLANI,

Ex Typographia Pacifici Pontij.

M. D. LXXXVI.



THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637  
U.S.A.

1.  $y = \frac{1}{2}x + 1$



# IACOBI CRITONII

## SVPERSTITIS CARMEN

### Ad Bernardinum Baldinum.

¶¶¶¶ T legit ex varijs flores apis attica campis,

¶ V ¶ Nectaris ut mira facit & arte fauos,

¶¶¶¶ Sic Baldine tuo pangis monimenta cothurno,

Qua nobis affers diuite metra penu.

Qua merito possunt animi mel dicier, atque

Fortè etiam melius nectar, & ambrosia.

Dulcia sunt magè visa mihi tua carmina magnis

Digna viris, omni nectare, & ambrosia.

Et quia Critoni claro mihi sanguine iuncti

Funera acerba doles, carior ipse mihi es.

Fortunate senex superans iuuenesq. senesq.

Rhetoras, atque Sophos, quos tulit hæcce plaga.

Et cum doctrinam præclaris versibus ornes,

A quibus ampla tibi laus venit, atque decus,

Iuxte tuam Musis alijs ego præfero Musam;

Quæ decima est Musas inter habenda nouem.

A 2

Ad



Ad eundem  
CAESARIS MILLEFANTII  
CARMEN.

**H**AEC plaga nostra tuo tantum Baldine nepoti,  
Quantum carminibus debet amice tuis.  
Nam fecit tuus iste nepos, ut nomina viuant  
Inclita multorum versibus usq; tuis.  
Quid iuuat Insulbrum laudes celebrasse latinis  
Versibus, has posthac si teget arca breuis?  
Cur tot non pateris magnas volitare per urbes  
Europa, cecinit quos tua Musa, viros?  
Ne vereare, viges: Tibi nec continget, olori  
Quod niueo; Cynus fata canit moriens.  
Pulla tibi ducent in longum fila sorores;  
Annos tumultos, multaq; lustra canes.





IO. FRANCISCVS  
IMPERATORIVS MEDICVS

M. Antonio Baldino amitino

S. P. D.



VM Ticini vacarem à studiis liberalium artium, & medicinæ, profectus sum Mediolanum, ad visendum Bernardinû Baldinum; quo auunculo non mediocriter lætor; cumq; apud eum essem, in scriniis eius librum hunc carminum non sine voluptate, & lætitia vidi. Percuntatusq; hominem sum, editurus ne librum esset; minime respondit; quid ita inquam? quia mihi (inquit) sexaginta annos nato neque opus est, neque congruit dare operam suauioribus Musis. Sed rude (quod aiunt) donandus sum. Tunc ego, esto in posterum ne inuigiles carminibus; ista verò elucubrata à te proferre in lucem cur dubitas? tum ille, vt qui nihil magnifice de se loqui solitus est, non satis, inquit, culta sunt, et expolita. Limatiora verò per ætatem facere non possum. Neque enim ita senescenti, sicut iuueni fauent Musæ. Quo fit, vt & minus rectè canere carmina sciam, & siqua paucis ante diebus cecini, polire, & purgare non satis queam. Flagitanti dein de mihi, vt nobis per ipsum liceret ea subiicere iudicio

cio eruditiorum virorum, eorumque rogare sententiam, se aliquantisper difficilem, ac pene inexorabilem præstitit: tandem fuit ut id ab ipso impetrarem. Peritiores viri tantum abest ut improbarint hæc lucubrationes; ut etiam me admonuerint, cohortatiq. sint; ut eas quamprimum euulgarem, editionisq. honore minime defraudarem. Ex quibus dictis, quantum coniectura consequi possum, haud difficile perspexi neque incultum, neque impolitum hoc volumen exiturum; secus atque author modestè, & verècundè dixerat. Præter cæteros Ioannes frater, qui causidicus non indoctus Mediolani non paucis patrocinator, ad properandum editionem libri (est enim cupidus suæ, & suorum laudis) me satis animatum, incitatumq. acrioribus stimulis incitavit. Quem sanè librum, ut author tibi cupidè consecrauit M. Antoni, ita ego non minori studio consecrare constitui. Nam in te amando nemini concedo: mirificè enim delector acumine, & suauitate ingenii tui. Quem quidem librum ut ab homine tui amantissimo, atque honoris tui in primis cupido traditum beneuolè accipias quaeso. Vale.

## De Verbano, &amp; Insubride.



ERBANVS *nympha genitus Ticinide, nympha*  
*Ceruleus genuit Ticinida; nomine pulchram*  
*Nulla non auiam quæ tempestate referres*

*Pulchrior: insano flagrans Insubridis igne*  
*Verbanus, nata dat munera mille cupitæ*  
*Quæ Dryadis ferat; optatam latura salutem*  
*Cum victu populis Insubribus. aqua faceffit*  
*Filia perpetuo cursu præcepta parentis.*  
*Nam fluuiio festina suo deducit onustas*  
*Nocte, dieq. rates coelesti munere Bacchi,*  
*Et syluis Vesta victuros pascere natis,*  
*Vulcaniq. focos; artiq. fabrilis in usum*  
*Cæsis in Grai prærupto vertice montis;*  
*Marmoris & tecti cumulus, cum calce tenaci,*  
*Quæ vincit candore niues, & moenibus apta*  
*Est magnis, celsaq. arci, domibusq. superbis,*  
*Delubrisq; sacris; auro quas stare perenni*  
*Optamus moles: ac nympha diues amator*  
*Corpora magna bouum, quæ durus arator aratro*  
*Adiungat, vitulos & edules mittit, & hados;*  
*Omnigenumq. genus pecoris, genus atq; ferarum*  
*Non simplex, facileq. loqui, gratosq. sonare*  
*Concentus volucres, varios aut edere pennis*  
*Præpetibus casus, aut farier ore futuros,*  
*Accipitresq., aquilasq. Ioui, tibi Iuno dicatos*  
*Paucos, & cortis aues, atque omne palato*

*Alituum genus acceptum .*

*Ac iussu Verbane tuo pinguisq. , recensq.*

*Caseus insubrum premitur gratissima mensis*

*Merx ; fortisq. graueis stomachi subuertere morsus .*

*Quid dicam varios formis , & mole natantes ,*

*Quos parit innumeros pisces lacus aquoris instar ?*

*Longa quibus pater insubrum ieiunia soluit :*

*Pectine qui patulo melius , squillaq. minuta ,*

*Et rhombo , atque scaro sapiunt , alijsq. marinis*

*Neptuni gregibus ; quos gustus auctq. , probatq. ;*

*Atque alijs Nympham cumulare frequentibus heros*

*Haud cessat rebus , quas terra dat , incolaq. eius .*

*Inq. vicem memor ampla suo largitur amanti*

*Munera Nympha , parit qua tellus hordea , farra ;*

*Et milij segetem , flauaq. siliginis , atq.*

*Triticæ menses dulcem mortalibus escam .*

*Et quas artificum tribuit mens dadala merces*

*Linea texta , togas tenuis , crassaq. coloris ,*

*Staminis & varij , cum fictilibus , crepidisq. ,*

*Et soleis : quibus & vasorum mille figura*

*Accedunt ; inopisq. domus , amplaq. supellex*

*Multijugis : necnon quas nilus , seres , & indi ,*

*Lydus , arabs , tanais , tagus aurifer , & nouus orbis*

*Fundit opes , domino Nymphe , quibus affluit , affert .*

*Vt locuples Driadis Verbanus munere , diues*

*Hæc donis Verbane tuis eat . utraque proles*

*Hac ope diuorum nutritur , alitq. vicissim .*

*Seq. pari sociæ vice firmant , atque tuentur .*

Progenies numerosa Dei, numerosaq. diuæ  
 Vtraque diuina ceu stirpis origine cæta  
 Quas celeri non mente tuctur, fingit & artes?  
 Quod docta variare manu, fictumq. polire  
 Nescit opus? solers radio percurrere telas,  
 Et pelusiæcis milesia vellera lanis  
 Infertare sciens tyrios incocta colores;  
 Docta nouas picturæis inducere formas  
 Aulæis, & Praxiteles, Myos, atque Myronis,  
 Phidiasq; sequi, & diuini Mentoris artes,  
 Magnificasq. domos, atque edita Mausolea,  
 Notaq. pyramidum miracula, pegmaq. celsum  
 Extruere; & sicut Typhis freta currere salsa,  
 Ac velut Automedon currus agitare sonantes.  
 Et quæ pingat acu præciosas scemina vestes,  
 Eluat & maculas, & purget carbasa lymphis,  
 Et quæ matrone fungi vice nouerit vxor,  
 Quæq. nurus partes iuuenis suscepit apte,  
 Et cui cura probè commissæ domesticæ matri,  
 Casta cisalpinis non rara videtur in oris.  
 Nec gens ulla magis putres proscindere glebas,  
 Annuaq. uberibus didicit dare semina campis:  
 Ecquis enim nostis solertius arua colonis  
 Sollicitat? maior cui cura bouumq., gregisq.?  
 Denique quæ cultus hominum, quæ postulat usus,  
 Curantes rectè multos parit angulus iste,  
 Vtraque rhetoribus plaga, nobilibusq. poetis  
 Floruit antiquis, florescit & hisce diebus.

*Ad ripas Verbanæ tuas vir acumine magnò  
 Præditus ingenij, Tullij sermonis & hæres  
 Poggianus puer est ortus; quem maxima Roma  
 Digna viro sedes, iuuenem nutriuit, & æui  
 Maturum; quo præcipuè se iactat alumno,  
 Clarior illius scriptis, cui luminis addi  
 Posse nihil visum est, eiusq. ornata sepulchro.  
 Me genuit Poggiane tuæ contermina ripa;  
 Hospite quo felix videor, letusq. propinquo,  
 Cecilium prisco cui comica Musa poëta  
 Affuit, Olani tulit urbs clarissima Medi.  
 Romana, tuscaq. libros Ranerius author  
 Lingua conscripsit; viuetq. superstite fama  
 Ipse sibi, patriaq.; licet se sponte necarit.  
 Carmine Vida tuo, & te vate Cremona superbit.  
 In sua traduxit Musas Gofelinus hetruscas  
 Rura; suis Corius memores annalibus ample  
 Urbis, nobiliumq. virorum prodidit actus.  
 Iunior, & senior geminato lumine Comum  
 Plinius insignit, lustrat quo litora Lari.  
 Tertius accessit Ionijs noua gloria Como.  
 Quamq. modis Tonsus lyricis illuminat oram,  
 Hanc Maior aggrui decorat sermone latino,  
 Nec nihil huic Merula laudis tribuisse feruntur.  
 Consulti quoque tres ternæ sunt lampades urbis,  
 Alciatus prosaq. graui, numerisq. probatus,  
 Et celebris Decius, iurisq. amictes Iason;  
 Iulius hos inter cognomine Clarus honorem*

Non

Non contemnendum populis illustribus addit :  
 Ripaq. Ticini lux altera , Menochiusq.  
 Altera luce sua deuelant abdita legum .  
 Nec suus altrici uirtutum defuit urbi  
 Partus , Aristotelis qui sensa latentia uerbis ,  
 Aut scriptis aperire fidelibus unus & alter  
 Sciuerit ; & lectos iuuenes distarit abundè  
 Moribus , & disciplinis ; interprete lingua  
 Vfus Branda , suos , Vico mercatus utraque  
 Præceptis ratione suos multiscius auxit .  
 Et noti duo paonia uirtute Mathæi ,  
 Alter qui Gradus fertur , Syluaticus alter ,  
 Quod genus illustrent , seruauerunt ante medelis .  
 Atque machaonia spectabilis ante Mathæus  
 Tertius , & uero cognomine Curtius urbem  
 Ticini matrem uiuus post funera lustrat .  
 Tres ope non medica medici , sed viribus omnes  
 Præstantes animi , Boldonius alter Apollo ,  
 Cardanusq. sagax , scitusq. Canutus auum  
 Degent omne , nihil metuentes fila sororum .  
 Quid referam quàm sint præsentia numina P A N I -  
 G A R O L A E ? potis ut dias sit discere leges ,  
 Cælestisq. arcana Dei , populoq. docere .  
 Huic prope par diuum secreta Locarnius ore  
 Rettulit inculto , sed mirus acumine mentis .  
 Sit satis hæc nobis exempla dedisse , probetur  
 Diua quibus soboles Insuoridis , & Verbani .  
 Nec cunctos meminisse libet , quibus utilis ortum ,

Atque cibos humus hæc tribuit ; sic nanque necesse  
 Inuito mihi grande foret vigilare volumen :  
 Cui minime vigeo par . centum quæque facultas  
 Artifices habuit , cantari voce , tubaq.  
 Dignos ; in primis regio tot martia Martes  
 Militia peperit , quot nec genuisse Gradiuus  
 Fertur , nec multis dignè cantare Marones  
 Sufficiant . satis est nobis tetigisse uetustos  
 Verbaniq. patris , Nymphæq. Insubridis ignes ,  
 Mutua dona , duplex genus , & praconia gentis .

BERNARDINI BALDINI  
 Lusus . Ecloga .

A V D I T A iuuenes Sileni voce , iacentem  
 Quem nodis vinxere senem Mnasyllus , & Aegle  
 Discessere nouo nexu tamen ante ligati ;  
 Nanque cupido puer puerum geminare puella  
 Dum parat , occulto comites religauit amore ,  
 Contactos facibus , fixos & corda sagittis .  
 Hinc oculis Mnasyllæ tuis tibi carior Aegle ;  
 Hinc Aegle tibi te Mnasyllus carior ipsa .  
 V nam Mnasyllus uotis petit omnibus Aeglen ;  
 Te solum Mnasyllæ cupis , suspirat & Aegle .  
 Nec mora solliciti curam testantur amantes  
 Nutibus , atque oculis ; quis enim calauerit ignem ?  
 Mnasyllusq. prior dictis est fassus amorem ;  
 Hinc Nymphe confessa suum : rubor ora decenter



( Ut tacitus decuit pudor ambos ) tinxit amantum .  
 Cum loca soluagi iuuenes secreta petissent ,  
 Syluaq. sola foret tantorum testis amorum ,  
 Haud ualuit differre puer sua gaudia ; cara  
 Colla sed amplexus , labris dedit oscula nymphae :  
 Non obeunt hederae , capiuntq. tenacius ulmos ,  
 Quàm puer implicuit sponsam complexibus artus ;  
 Basia non molles confundunt plura columbi ,  
 Quàm lati iuuenes : ecquid felicius illis ?  
 Heu breue letitia spatium diuturnus amaror  
 Consequitur ; flagrans Sylvanus amore fugacis  
 Naiados , est illam furtim comitatus ; agresti  
 Inuidus ut nexam pastori repperit , ira  
 Feruidus hanc grauib. dictis tremefecit ; at illum  
 Arreptum tenero complexu vellit amatae .  
 Hunc casum uindex oculis spectantibus Aegles ,  
 Perdere certus erat ; casuq. insontis ephēbi  
 Vlciſci , gemitusq. suos , animasq. paratus  
 Excruciare duas , auidamq. explere nocendi  
 Mentem . Quid facerent imbelles uirgo , puerq. ?  
 Nec pugnare Deo poterant ira q. feroci ,  
 Et rabie ; precibus saeuum lenire puella  
 Confidens , tales roseo dedit ore querelas .  
 Quid puerum Syluane ferox extinguere plagis  
 Immeritum tendis ? quid enim peccauit ? iniquo  
 Cur tantum tibi pœnarum persoluit ? Amoris ,  
 Non pueri crimen , siquid commisit amando  
 Criminis , est : si forte scelus graue credis amare ,

Hoc plerique scelus patrant hominesq. , Deiq. :  
 Iuppiter in primis . nam quis petulantior illo ?  
 Hac quoque culpa tua est , qui quam petit iste puellam ,  
 Aides , iccirco dignus cruciatibus istis  
 Es Syluane ; quibus puerum crudeliter angis .  
 Hæcine digna Deo reputas immania facta ?  
 Nec nos argueris , quia te mens nostra recuset ,  
 Hunc amet ; in causa est mentes quod diuidit , atque  
 Concorde deuincit ineluctabile fatum .  
 Neglecto Cytherea Deo Dea coniuge , sato  
 Dardanium Anchisen , & te dilexit Adoni :  
 Prætulit & Cephali vultus Aurora marito  
 Diua seni . His animum dictis incendit agrestis  
 Numinis , intonuitq. ; statum Deus ore frementi .  
 Quo sonitu uiridis tremuere cacumina syluæ .  
 Ad strepitum hunc Dryades uolitarunt præpetæ cursu .  
 Conspectis rapidus Nymphis ausugit , & Aeglen ,  
 Seminecemq. Deus Mnasyllum liquit , & artus ,  
 Oraq. contusum pugnis , calidoq. cruore  
 Corpora conspersum . Nais quem pulchra iacentem  
 Accessit propius festina , leuaret ut agrum .  
 Clamantem Mnasylen , puer flens spectat ocellis .  
 Conantisq. loqui pallentis spiritus ore  
 Excidit ; & uitam secum fert puberis ; illo  
 Extincto , querulis uirgo clamoribus implet  
 Aëra ; seq. mali causam , cædisq. nefanda  
 Clamitat , incusatq. suum & finire dolorem  
 Morte cupit ; quod diua potest , heu languida crines  
Aureolos

*Aureolos lacerat , uultus ei percutit ulnis  
 Ipsa suos ; quibus illectum confecit amantem .  
 At Dryades Nympham miserata Naiada , dictis  
 Aegram solantur ; prohibent & membra ferire ,  
 Inq. sacras scuire comas : diuaq. licere  
 Diuinos violare negant muliebriter artus .  
 At Chromis amissum comitem dum quaerit , in alto  
 Audijt insolitos questus , & murmura luco ;  
 Pertimuitq. puer suspensus nequa pericla  
 Mnasylos socio coetu diuisus adisset :  
 Ac celeri cursu nemus in uocale profectus ,  
 Examinem socium rorantem sanguine multo ,  
 Cultricesq. Deas nemorum deprendit , & Aeglen  
 Hunc circumfusas ; corpusq. exangue sepulchro  
 Virgineis oculis desletum condere digne  
 Accinctas . tales lachrymans tunc ore loquelas  
 Edidit ; hisq. sonis surdum est affatus amicum ;  
 Cur sine me miserande puer deserta subisti  
 Lustra ? Chromis Mnasylo comes tibi forte tulisset  
 Auxilium ; aut tecum crudeli funere pressus ,  
 A manibusq. pijs monumento clausus eodem ,  
 Iset sub terras , tecum mansurus in omne  
 Tempus , uti tecum primis conuixit in annis .  
 Plura loqui dolor hunc vetuit , pietasq. Dearum .  
 Imposuerunt Dea tumulo lachrymabile corpus ;  
 Supremumq. uale lugubri uoce sonarunt .*

**F**ORMOSAM Daphnen iuuenes Chromis, & Meliboeus  
 Ardebant, forma, pulchris & moribus ambo  
 Ornati, Chromis & proauos, genus atque paternum,  
 Maternumq. genus iactabat, ditior alter,  
 Inq. suo celebris pago ceu mercurialis,  
 Officioq. uiros, opibusq. iuuare paratus.  
 Virginis affines sponsam Meliboe dicarunt  
 Hanc tibi, quòd diues pecoris, quòd frugis abundans,  
 Grator at Daphne Chromis est, quia iunior; ergo  
 Tradidit huic se Nympha uolens, despondit & ultro;  
 Et fore consortem thalami, uincloq. iugali  
 Iuncturam iuueni se uoce, notisq. locuta est.  
 Praestituere diem sacris sponsalibus aptum  
 Sponsores cupidi Daphnen Meliboe locare,  
 Atque iugare tibi; propere lux dicta maritis  
 Tedis aduenit; picta cum ueste decorus,  
 Cum latis, & letus ades, comptusq. propinquis,  
 Stripatus iuuenum coetu: uicinia tota  
 Continuo Daphnes notissima tecta frequentat.  
 Omnia latius sunt plena; domusq. renidet.  
 Quosq. foci, diuesq. penus, mensaq. paratus  
 Poscunt, ubertim recipit Daphneia sedes.  
 Iam citharædus adest, choreis & idonea pubes;  
 Magnaq. testatur Meliboeus gaudia uultu.  
 At non exultat mentem, uultusq. serenat  
 Infelix Daphne; queritur sed mæsta, profusis

Strata

Strata rigans lachrymis ; etenim pluit anxia largis  
 Roribus undantes riuus sic æmque satur .  
 Ergo meus vir erit Ascaliboëus ? labia labellis  
 Nec Chromi mellitis tanges mea ? nuda cupito  
 Colla nec impediēs amplexu ? pactaq. dicar  
 Frustra Nympha : tu ? coniunctaq. dextera dextræ  
 Nequicquid ? E rumpet Dea non violabile foedus ?  
 Nec placitam Daphnen ducet Chromis , atque volentem ?  
 Ducet at inuitam Ascaliboëus ? Et irrita uota  
 Efficiet mea perpetu' grauis Illythia ,  
 Non ruota Iasidamum , sed nubila Iuno ?  
 Hæc Chromis fama tuas nondum peruenit ad aures ?  
 Hæc solus nescis sibi epitus , quos pagus , & omnes  
 Inuitat nouunt ? huc undique læta iuuentus  
 Excurret , tu solus abes , qui primus adesse  
 Debueras sponsus sponsæ mihi debitus ; idem  
 Præ cunctis Daphnæ cupienti puber amatus .  
 Cui ( scio ) respondes curis dilectus amanti .  
 Heu vereor nequo languore , maloq. labores ;  
 Haud etenim paterere tuo me liber inuitam  
 Nubere riuali : tota quam mente petisti .  
 Vix ea desierat , cœpit cum murmure magno ,  
 Et fremitu resonare domus ; mox clamor ad auras  
 Tollitur ; armorumq. sono circumfluus aer  
 Consonat . armatus Chromis ad tua limina Daphnæ  
 Agmine collecto iuuenum comitatus agresti  
 Ocyus accessit , coeptos properans hymenæos  
 Rumpere . teq. sibi sociali foedere iunctam

C

Demere

Demere cognatisq. tuis, socioq. recepto.  
 Ilicet irrumpunt aditus, inimicaq. castra  
 Protinus inuadunt telis, meliboeta pubes  
 His aduersa, graues primorum sustinet ictus:  
 Sed superata breui cedit victricibus armis.  
 Audito sonitu raptum Meliboeus inermis  
 Effugit; quo digresso furor impius hostis  
 Concidit; hostilisq. cohors pacata repente est.  
 Vt strepitus Chromi Nympha tuos timida audiit, ore  
 Pallidulo per sacra Deæ Iunonis, ut ades  
 Absistas maculare nefanda cæde precatur  
 Te, sponsamq. tibi non denegat esse, tuamq.  
 Se fore promittit: tum corda ferocia ponis:  
 Atque tuo iussu subito cessatur ab acri  
 Pugna, conduntur gladij; paxq. orta maritis:  
 Nam Clytie Meliboeæ venustula virgo locata  
 Non inuita tibi est; votis quem Nympha petiuit.  
 Connubio Chromi iuncta tibi pulcherrima Daphne.  
 Tum Mopsus cythara non iussus dulce sonare  
 Cæpit; & in risum gemitusq., leuesq. susurros  
 Conuertit, festiua sciens qui carmina nervis  
 Miscuit argutis mura dulcedine, & arte.  
 Postquam leniuit moerentia, & aspera vulgi  
 Pectora, vaticino venturi præscius ore  
 Hæc turba cecinit suspensa seria vates.  
 Anteuenit persæpe grauis noua gaudia luctus;  
 Quò sint leta magis depulso corda dolore:  
 Gratus & puri niteant post nubila scles.

*Iuppiter*

*Iuppiter has lites tranquilla pace rependet .  
 Vixite felices longævis Nestoris annos  
 Sponsi ; præclaram sobolem , pulchramq. daturi :  
 Quæ similes atavis , & avæ genitura nepotes :  
 Progeniem aucturos veterem , laudeſq. parentum .  
 Quorum fama plagas abitura superſtes in omnes  
 Extendet generis ætus indelebile lumen  
 Luce ſua : fortitur enim ſic fata Deum rex .  
 Hic finis fuit accentus , volucrisq. dici .*

## E C L O G A .

*Lycidas , & Mopſus .*

*Lyc. P*ALLENTEM , nebulaq. ſenem te Mopſe viriles  
 Obduſtum vultus , tenui nec carmen auena  
 Ludentem video ; mentis quæ ſigna putantur  
 Infirma ; curas ( memini ) ſecurus amico  
 Hactenus es fido ſuetus mihi credere ; quaſo  
 Qui tristem te languor habet , quæ cura quietum  
 Sollicitat , narra cupido mihi ; forſitan agræ  
 Præbebit mea ſedulitas ſolatia menti :  
 Aut pietas mœſto minuet tibi noſtra laborem .

*Mop. O* Lycida tectum vulnus ne quære doceri ;  
 Quod noſtris altè venis inſedit : id ager  
 Haud fortis ſine mœſtitia , luſtuq. referre  
 Sum ; ſubigorq. gravem ſando renouare dolorem ;

*Nec morbos opis humana curare nocentes  
Est, quorum nocuis semen delabitur astris.*

*Lyc. Aethereis demissa plagis fert noxia pestus  
Publica damna; genus tamen haud hominumq. gregisq.  
Omne lues carpit, quosq. inficit, haud necat omnes  
Mortales; ope sed medica non parua superstes  
Turba uiget. nostram spero tibi profore curam.  
Aut mocrans aliqua gemitus te parte leuabo.  
Quin etiam socio iuuat enarraſſe fideli  
Lati ſi quid habes, ſiquid te mordet amari.*

*Mop. Affectus, quos noſce mei, fluctusq. laboras  
Pectoris, expediam paucis; nam multa proſari  
Nos lachryma prohibent, fugientis & hora dies,  
Me mea ſollicitum cruciant, alienaq. damna;  
Ah quotus eſt ouibus paſtor priuatus, & are;  
Ah quotus eſt caſula, dulciq. extruſus agello;  
Quam multi grauius ſua non commiſſa luerunt  
Poenis? ante diem quam multi mortis acerba  
Perpeſſi? miſeranda pecus, pecorisq. magiſtros  
Fureſtat clades; quibus eſt laudabile carmen  
Culiſ, dedecori, probitas quibus afficit aquis.*

*Lyc. Hac eadem mecum reputans, cum nuper Amyntæ  
Ad me lugubris mors eſt delicta, querebar.  
Tunc quid ſupplicij dederit uiolibocus iniquis  
Hoſtibus, in mentem ueni; ſpoliatus ut agros,  
Finibus à patris, & ſcilibus exulantis  
Ceſſerit, & tua quæ fuerunt diſpendia Daphni;  
Muſarum decus o Daphni, & tua digna reuoluens*

*Cæpta*



Cœpta, genas lachrymis perfusus, & ora rigavi.  
 Quot capras, quot Thyrsis oves amisit, abena  
 Compede uinctus inops, quoniam sua posceret ara?  
 Compluresq. alij vel Phoebæ digna locuti,  
 Et quibus in precio iustis fuit incluta virtus,  
 Præda lupis, canibus ludibria, fabula corui  
 Sunt facti; nec honorificus fuit exitus ollis.

Mop. Hæc quoties nobis occurrunt (sepius autem  
 Occurrunt) vacuæ discedunt gaudia mentis:  
 Atque his succedit vehemens, & noxius angor.  
 Huic etiam accedunt uires, & pabula Milui  
 Culpa, cui fortuna fauet uesana proteruo;  
 Et diro scelerum capiti, quia perdit ephēbos  
 Flagitijs, scabie pecudes, & semine campos  
 Irusæ filicis spargit; nigroq. veneno  
 Omnia corrumpit, iuuenum pus, pestis & agri.

Lyc. Audacis quibus est Milui non nota colonis,  
 Lanigeriq. gregis custodibus improba vita?  
 Vt mirer capitis uitasse pericula foedum  
 Tot vitijs hominem, tot crimina tarpiter ausum.  
 Nunquam non comites illi sunt Coruius exlex,  
 Impius & Canius, fallax & Vulpus; horum  
 Quis nescit studia, & mores, immaniaq. orsa?

Mop. Caris Mnasyllusq., Chromisq. parentibus orbi  
 Auxilijs, opibusq. meis, multoq. labore  
 Sunt nostro adiuti; noues dum signa cucurrit  
 Sol. quibus insidias instruxit sæpe Lupanus;  
 Funere cui merso successit Miluius hæres.

Ignoratur

*Ignoratur uter sit eorum visus in oris .  
 Deterior nostris ; operati nequiter ambo  
 Haud dubiè sunt ; testis uti uicinia nostra est .  
 Hi , comitesq. feri , pueris quia profuit aura  
 Nostra superstibus , plagasq. , necemq. minati  
 Sunt mihi ; sed præsens hostiles reppulit ictus ,  
 Me tutelar genitor tutatus , & unà  
 Mecum pupillos . ideo persolvere grates  
 Huic nunquam cessabo mea pro parte virili .*

*Lyc. Votis ergo tuis respondit Iuppiter aequus ,  
 Cur non ergo hilaras mentem , vultumq. serenas ?  
 Dasq. novos versus , & Apollinis auribus aptos ?*

*Mop. Servanti pueros dextro mihi numine divi  
 Adsunt ; laeva meis sed oculibus officit , hædos  
 Subducens fortuna mihi , & cum matribus agnos :  
 Quæ steriles foecundat agros , & equilia Milui  
 Implet ; ob id doleo . neque enim non questibus auras  
 Verberet illachrymans , cui fors inimica probato ,  
 Et iusto , precibus sit surda , perutilis hosti .  
 Et corvus fauceat , placidis aduersa columbis .  
 Sed me plura loqui prohibet gemitusq. , dolorq. :  
 Hesperus & rediens nos pascua linquere cogit .*

## E C L O G A .

*Corydon , & Melibœus .*

*Cor. HÆC loca non custos gregis ante frequentior ullus  
 Te petijt ; meliusq. modis aprauit auenas ;  
 Deti-*

Detinuitq. magis purgatas versibus aures.  
 Nunc umbras nemorum vitas, & amoena uireta,  
 Atque coronatos fontes humentibus herbis.  
 Nec flauam Danaen resonant arbuſta, querelis  
 Pulſa tuis; ſed ſenta rubis, deſertaq. luſtra  
 Solus adis Meliboei tui, vitaq. prioris  
 Oblitus, querens & deuia, te fugis ipſum.

Mel. Turpe ſenem victum iuueniles ludere ludos.  
 Iſtic nobilium florens academia vaſum  
 Viſa ſuit, cuius quota pars Meliboeus agreſti  
 Muſa ſape ſuos macer eſt ſolatus amores.  
 Nee nunquam curis animum, luſtuq. leuauit.  
 Qui tanta viridis ſyluae dulcedine captus  
 Eſt letiq. chori, grauis ut, maturus, & auo  
 Gratae pubis adhuc celebri ſe condere circo  
 Querat, & argutos imitari uoce poëtas.

Cor. Hac eadem ſunt viſa mihi, ſummeq. probata;  
 Nam quis non iſtas annoſo in corpore uires  
 Miretur? cano capiti, curueq. ſeneſta  
 Quis vegetos tribuat ſenſus, & mentis acumen,  
 Et facilem uenam, numeroſq., cynciq. canorem?  
 Rugoſa, tremulaq. manu ſi pleſtra mouentem  
 Pinxeris humanam effigiem, deſuſus abibis.  
 Quòd venerande ſenex recinas noua carmina, mirum  
 Accidit haud dubiè nobis, magis hercule mirum  
 Eſt, vocale, meloſq. ferens filiuſſe repente  
 Os Meliboei tuum: viduataq. prata magiſtro  
 Ilcet eſſe ſuo; ſtudijs & deeſſe choragum.

Quam

*Mel.* Quàm variet fortuna vices , quis nescit ? in alto  
 Nunc Zephyri fremit aura levis , nunc murmurat Eurus ,  
 Nunc furit immensus Boreas , nunc humidus Auster .  
 Nil etiam humanis in rebus dedala fixum  
 Producit natura ; alacer qui riserit idem  
 Mox tristis gemit ; agrotat modò sanus ; in horas  
 Omnia mutantur , Mortis , Parcaq. subacta  
 Imperio : mirum ne senex si vestra Camoena  
 Linquens castra , fugax se dura in tesqua releget ?  
 Adde quòd antiquo nobis occasio ritu ,  
 Colloquysq. interdicat , grataq. cohorte .

*Cor.* Cetera iam mitto scitarier ; obsecro , narra  
 Quæ noua vis carum hospitibus te cogit abesse  
 A' Musis , sociaq. tribu , syluaq. virenti .

*Mel.* Cultra secla loci nil linquunt nostra poësi :  
 Fabellas adimunt cui texere , fictaq. rerum .  
 At quanti vates , queis fingere posse negatum est ,  
 Sunt ? demum quibus est imitandi dempra potestas  
 Quidlibet , haud istis lectos datur edere versus .  
 Historicis quæ facta loqui , simulare poëtis .  
 Lege novos orsus Dii præcepere poësis .  
 Plurimus & pagos obstipus vexat , & urbem ;  
 Hac hominum sanie non ulla nocentior usquam  
 Nascitur . hac sugit mulcetraria , macerat agnos ,  
 Et lolium latè disseminat , urit & agros ;  
 Et serpens ( ceu cancer ) edit , quos corripit , artus .  
 Acrius ut nullis mortalibus iraminetur  
 Christi , quàm caput in latus acclinatis .

Nos igitur non sola fuget elura senectus,  
 Verumetiam fuga Thespiadum, neglectaq. virtus,  
 Et pellax schola, fucosos mentita colores.  
 Præstat enim nullo comitante per auiam mecum  
 Ire mihi; curtas ubi tutò ducere possim  
 Reliquias vite, quam rura molesta Camænis,  
 Furtiuus & amica dolis habitare, laresq.  
 Non sine mæstitia, vulgiq. timore tyranni.

Cor. Esto, furcillis Musæ eijciantur ab ora  
 Hesperia, solioq; sedens sublimis in aureo  
 Aurea sceptram gerat pellacia, sintq. bilingues  
 Mille, tamen vesci poteras vitalibus auris  
 Hic, ubi periuros inter, prauosq. Sinones  
 Tityrus, & Damon, & Moeris, & Alphefiboëus  
 Versantur fidi comites, Phoebog. probati.

Mel. At mala suspicio deluse plebis, & error  
 Disiunctos paruo tractu vetat hosce coire.  
 Talibus aucupijs hominum spectator, & astu  
 Heu nimis indoleo; patiar ne talia, creui  
 Dehinc inter dumos, & inhospita degere saxa.

## Elegeia.

AD PHILIPPVM AVSTRIADEM  
 Augustum Hispaniarum Regem.

DVCTOR, spesq. tuæ cecidit rex inclyte gentis:  
 Et tegitur columen religionis humo:

D Natus

*Natus hic ut rigidosq; Getas, Batauosq. feroces  
 Vinceret, & domitos sub iuga nostra daret.  
 Heu quanta infida creuit fiducia publi;  
 Spe quanta pietas decidit, atque fides.  
 Actia, qua celebri non dignior ulla triumpho,  
 Pugna probat vires, consiliumq. ducis:  
 Etsi Leucadijs Augustus Caesar in undis  
 Contudit hostilem vim, dominamq. Phari,  
 Etsi Pharsalicis in agris, qua laurea Iuli  
 Parta tibi, effertur laudibus eximijs,  
 Victrici cedit lauro tamen; actia forti  
 Quam tulit Austriade pugna, ducumq. duci.  
 Eoas acies huc duxit luna bicornis;  
 Occiduam huc classem regia duxit avis.  
 Insita vis iuueni quid possit, & emula virtus,  
 Virtutis patrie fortia facta docent,  
 Cognita cantabrice, nabathæ cognita genti,  
 Et lybia, & trucibus cognita hyperboreis.  
 Mors fera pubentem terra inuidit; & cheu  
 Orbauit tanto regia castra duce:  
 Abstulit & carum tibi regum maxime fratrem;  
 Abstulit hunc populus, pontificiq. sacro.  
 Si fortes prima sparsus lanugine vicit,  
 Strenuus & gessit bella canenda pugil,  
 Si prudens habitus ductor iuuenilibus annis,  
 Talia si miles puberis acta sonat,  
 Quales ingenij laudes, qua robora Iano  
 Debita, si vixet lustra futura, putes?*

*Nequa viri superet virtus heroica facta,  
Heu iuueni secuit stamina pulla manus.*

### E L E G I A.

**O** PRAVOS hominum mores, ò ferrea secla,  
O scelus, ò infandum nomen auaritiæ;  
Nimirum populos si bellum, diraq. pestis  
Perdit, macrescens si sterilefcit ager;  
Feruet enim, gliscitq. supremi numinis ira,  
Ob noxas hominum, sacrilegumq. genus.  
Pupillos, viduasq. bonis qui pauperat, æquus,  
Siquis opem miseris fert; periniquus homo est.  
Id consultus ait, sitiensq. tabellio nummos;  
Immani ista seni dicta nefanda placent:  
Pupillos nocuus qui tutor, auusq. nepotes  
Quòd non expilat, roditur, atque furit.  
Plurima deprensos nemorosus mactat in antris  
Turba viatores; priuat & arc vagos.  
Sacra legunt alij diuum, gentesq. nefasta  
Haud cessant auidas conscelerare manus.  
Flagitijs hominum si pœnas irroget æquus  
Iuppiter, errantes nec miserefcit eos,  
Dispercat genus humanum; ne iure nocentes  
Sternas diue pater, sed pietate leues.

### E L E G I A.

**Q**UID gemitu, lachrymisq. mades? quid questibus vrges  
Insanus domina surda sepulchratua?

D 2 Quidue

*Quidue vocas diuos immanes, duraq. fata?*  
*Curq. tuus clamat nomina vana dolor?*  
*Si, quod mœrenti permisit Iuppiter Orpheo,*  
*Hanc cantu sineret te reuocare tuo,*  
*Fons tibi quarendus querulo foret Hippocrene;*  
*Vt blandos scires ore sonare modos;*  
*Immites quibus addiscant mansuescere manes;*  
*Et rata perficiant vota, precesq. tuas:*  
*Hoc est inducant animum tibi reddere fletos*  
*Vultus, & flauens, auricomumq. caput;*  
*At tibi nec placidis Orphei concentibus aures*  
*Emollire feras, aspraq; corda licet;*  
*Nec si threycijs scires deflere querelis,*  
*Effet sublatam fas reuocare tibi.*  
*Nam post Euridices prisca reuocamina, lege*  
*Est vetitum nequam fata redire sinant.*  
*Ergo fige modum sæuo male sane dolori;*  
*Et perijsse puta, quod reparare nequis.*  
*Ne dum deploras quam fata tulere, puteris.*  
*Stultus, & in sanctos impius esse Deos.*

*ELEGIDIION IN OBITU CAROLI*  
*Borromæ Cardinalis.*

*QVI modulis deflent elegis tua Carole fata,*  
*Iudicio potius flent sua fata meo.*  
*Profuit exitium iusto tibi; mille sed urbi,*  
*Aui orbi potius damna sinistra tulit.*

*Mors*



*Mors tua perpetuae lucis tibi causa beato ,  
 Sed fuit infausto pernicioſa gregi :  
 Inter mortales genitor dum ducere vitam ,  
 Progenitum voluit te, patriaq; patrem ,  
 Exulibus ſuperas in ſedes celſaq. diuum  
 Templamcare datum eſt , ore precante tuo .  
 Indigenaq. domos cœleſtes ſcandere iuſſu ,  
 Et monitis dociles edidicere tuis ;  
 Denique dum campis ibas felicibus exul ,  
 Exilio poteras nos reuocare graui :  
 Ac viuus ſiccis monſtrabas pocula vita ,  
 Explent quæ arentem tempus in omne ſitim .  
 Exinctus nectâr diuinum faucibus hauris ;  
 Te tua ſic iuuat mors nocitura tuis .*

#### TETRASTICON.

*E S T tibi parta quies, hoſtis qui natus es oci ;  
 Qui vitam egisti mortuus, uſque viges :  
 Carole mutaſti mortem cum perpete vita ;  
 V uere quem piguit, ſic periſſe iuuat .*

#### E L E G I A.

*AD THETIDEM PRO AVGVSTIS  
 coniugibus Catharina Austria, & Carolo Emanuele  
 nauigare paratis .*

*C O N I V X ò Pelei , & pelida mater Achillis ,  
 Qua freta lata regis , Nereidumq. choros ,*

*Regia*

Regia sponsa comes comitisq., ducisq. mariti,  
 Per mare caruleum nauibus ire parat:  
 Veliferas impelle rates felicibus auris;  
 Atque cauo firmas littore siste trabes;  
 Perfer & incolumes sponfos; hisq. integra redde  
 Credita quæ fidei sunt Dea iusta, tua.  
 Hac etiam aquareis à diuis ipsa petisses,  
 Cum captus cepit te dominam Aeacides.  
 Ut saluus salua iuuenis clarissimus argo  
 Pharsaliâ peteret, conspiceretq. suos;  
 Si non illasam posses ope ducere pinum  
 Nerine propria, numinibusq. tuis.  
 Succurat tibi cura tuaq., viriq. salutis;  
 Sic magni facies connubiale iugum.  
 His heroibus, hisq. parentibus alter Achilles  
 Nascetur, vehemens terror & ipse phrygum;  
 Infida sectæ, piratusq. hostibus hostis,  
 Carus ob id Nereo, carior atque tibi.  
 Si clarum genus est cordi tibi, clarius imo  
 Nil his coniugibus Phæbus in orbe videt;  
 Si probitas, rectumq. iuuat te, rectius isdem,  
 Et probius certè noueris esse nihil;  
 Si laudes, meritumq. probas, utrunque probabis;  
 Sic aura facili dignus uterque tua est.

AD BATHOLOMAEVM FRATREM.

ACCITV, monitisq. tuis ego ducere tecum  
 Relinquas vitæ postmodo certus eram;

Linquere

*Linquere iam pagos insubrum, vrbesq. parabam*  
*Romula visurus templa, domumq. tuam;*  
*Cùm nostras inopina retusas perculit aures,*  
*Proh dolor, interitus nuncia fama tui.*  
*Qua subito stupui sensus deperditus omnes;*  
*Atque meum cor inops sanguinis obrigit.*  
*Ilicet ex animo quicquid fuit ante sereni,*  
*Et lati eripuit mors homicida mihi.*  
*Ex illo tenuit lethi me turba satelles*  
*Singultus, lachryma, cura, querela, dolor.*

### E L E G I A.

*Q*UAE mihi sublato restant solatia fratre?  
*Qua reliqua est agro spesq., salusq. seni?*  
*Nos fera mors pueros orbauit utroque parente,*  
*Cùm patruus nobis viueret vnus adhuc.*  
*Hunc quoque cùm nondum teneras lanugine malas*  
*Vestirem, rapuit falce tremenda manus.*  
*Cui genus superest insignis laudibus vnus,*  
*Delicia fratri, deliciaeq. mea.*  
*Vnanimes fuimus dum frater vixit, & aequè*  
*Libera germanis mens fuit vna tribus;*  
*Germano fratres, germanus fratribus amplè*  
*Attulit optatam morigeratus opem.*  
*Quinque superstitis sexus maris, atque quaternis*  
*Fœminei natis, occidit alter ego:*  
*Qui cum multa mei pars exulat orbe; relicta*  
*Mæsto parte mei deteriore mihi.*

*Hinc*

*Hinc neque semianimis viuo , neque funera passus  
 Sum, dubiusne ferar neuter, an alter agam .  
 Quin potius nihil hoc dempto sum ; frater ut agrum  
 Destituit, desum mortuus ipse mihi .  
 Non ego viuo, mei sed viuit imago ; reuisit  
 Tecum vnà, frater spiritus astra meus .  
 Post tua fata meum nihil hic mea possidet umbra ,  
 Præter mæstitiam, funereosq. sonos .*

### ELEGIA.

**D**E BELLANTE trucem Persarum rege tyrannum ,  
*Mortales temnit qui ferus, atque deos ,  
 Non angui toto cessandum est cardine rerum ,  
 Non aquila forti , non tibi fulue leo :  
 Dum licet hostilem stirpem radicibus imis  
 Vellite ; & hanc dextro tollite Marte lucem .  
 Quæ late serpens virus diffeminat atrum ,  
 Semineq. impuro semina pura necat .  
 Torua venenisferis colchorum venit ab oris  
 Hac, ubi Medea regna fuisse maga .  
 Virofis velut orta locis fert bellua secum  
 Virus, & externas inficit ore plagas .  
 Nec solum perimit lethali membra veneno ;  
 Verùm animis etiam pernicialis obest .  
 Nanque Dei compellit eos dediscere cultum ;  
 Maumeti q. iubet numen inane sequi .  
 Semouet hæc tristes animas felicibus aruis ;  
 Datq. illas diris manibus inferias .*

An dubitamus adhuc infelix perdere monstrum,  
 Quod prius occidit millia mille ducum?  
 Tot pugiles casos non ulciscemur inertes?  
 Casurumq. alios scimus, & hoc patimur?  
 Nunc ubi Romulidum est uirtus, inuicta duellis?  
 Sunt ubi tot Martes, totq. mares animi?  
 Scipiade, Fabijq. graues, alyq. Quirites  
 In fera quos egit praelia laudis amor,  
 Cum genere extincti? restant nunc nomina tantum;  
 Cumq. illis uirtus cecidit, & omne decus.  
 Proh pudor, imbelles pharij. phrygesq. triumphant  
 De uictrice aquila, martigenisq. uiris.  
 Roboris at latij uestigia siqua manerent,  
 Usque foret nostris prisca, suusque uigor;  
 Certatim irruerent in acerbum fortiter hostem,  
 Infandum certi defecuisse caput.  
 Vndique conuenit graiorum lecta iuuentus,  
 Sterneret ut, fixit quem Meleager, aprum;  
 Noxius hic etenim segetiq. ,satusq. ruebat;  
 Sauius & armentis ,lanigeroq. gregi.  
 Tergibus aduersam pecoriq. ,uirisq. , deisq.  
 Cedere pigraris Martia turba feram?  
 Eia age macletur propere sus auspice Christo;  
 Sic Martis leges, iuraq. sancta iubent.  
 Obscoerui humano turpat, qui sanguine uictum,  
 Et sicut ex aris inuidiosus haras.  
 Huius cade fera mitescei numinis ira;  
 Hacque cadet mihi uictima grata Deo.

## Ode monocolos.

AD DANESIVM PHILIODONVM

*Iuriconsultum, ac Regi Philippo intimum.*

**Q**UOS virtus superis in gradibus locat  
 Moratos iuvenes, artibus & bonis  
 Auctos, atque senes ditat honoribus,  
 Et clarat titulis conspicuos nouis,  
 Illos semideis contulerim; graue  
 Illis imperium tradiderim libens.  
 An quisquam dubitet talibus à viris  
 Vrbes magnificas legitimè regi?  
 Quos solers animus, conscius & sibi  
 Rectis, lexq. frequens, usus & edocet  
 Quæ vitare probè, quæ deceat sequi.  
 Quales emeritos terra tulit duces,  
 Consultosq. patres, atque patres sophos.  
 Danesi meritò te quibus inserit  
 Expertus regimen, consilium & tuum  
 Prudens ordo patrum, nobilis & cohors  
 Insubrum, & soboles regia Caesaris:  
 Quæ te pro meritis nobilitat tuis;  
 Quæ clauis operit regificè sagax  
 Pectus docte tuum; teq. ope regia  
 Tollit. tu populos dum placide regis,  
 Virtus, cana fides, nudaq. veritas  
 Hac exul patria, pulsa nefarijs  
 Inceſti generis flagitijs, damos

*Accessit*

Accessit patrias ; & veteri plaga  
 Insistit : nihil & iustitia loci  
 Non est . sic superum rex tibi Iuppiter  
 Annos det Pylîj vivere Nestoris ;  
 Vt rursus vigeat secula plurima.  
 Hic ius , atque pium , te duce , & auspice .

*Ad Ioannem Marcum Fannianum .*

SUNT quibus facilis fauci Thalia ,  
 Qui scribunt numeros venustiores ;  
 Atque hi nec studiis vacant seueris ,  
 Nec tristes ope subleuant egenos ;  
 Ob res felliciti suas , leueisq; .  
 Qui sanè bona despiciata regum ,  
 Et gestantis habent Dea trabales  
 Clauos , & cuneos manu tremenda .  
 Certè pigra cohors , & ociosa  
 Hac est ; sed tamen aqua , dijsq; grata .  
 Contrà plus nimio negotiosi  
 Huc , illucq; videntur ambulantes  
 Conplures homines , siticulosi  
 Aeris , & dittonis inuidenda  
 Apprime cupidi ; quibus iocose  
 Sunt cordi nihilo magis sorores ,  
 Quàm Gallo capitolium petenti  
 Anser nocte vigil suus silente ;  
 Quàm strigosa latronibus lycisca ,  
 Quàm paruis rabcisula nouerca .

Priuignis , puerisq. vox magistri.  
 Siquid commodat aut suis auarus  
 Aut largitur amiculis , emaci  
 Dextra , plus cumulare foenerator  
 Sperat , diuitis haud satur moneta .  
 Tu uerò modulos politiores  
 Tam docte meditaris , & venustè ,  
 Quàm cycni vetères latinitate  
 Germana , atque graui stylo probati  
 Idem das operam fidelis urbi ;  
 Vtq. pauperibus cibos proficua  
 In sacra locuples domus ministret  
 Curas : & viduis faues ; & idem  
 Pupillos tegis , & iuuas pusillos :  
 Ac de flebilibus reus laboras .  
 Est duplex tibi Fanniane vita  
 Felix , una quidem probatoris  
 Mentis , altera per spiculatoris :  
 Pro qua splendidiusq. , latiusq;  
 Viues cum superis perenne seclum .

*Ad Antonium Mariam Carabellum .*

**T**Enatura parens lyra , modisq.  
 Aptum finxit , uti canas quod aspras  
 Tigres molliat , impiosq. manes :  
 Quod possit reuocare tristi ab orco  
 Rursus Euridicen , suamq. Diuis  
 Olim quam rapuit ferus puellam .

*At*



*At tu carmine Carabelle cessas  
 Demulcere nouo furentis iras  
 Turbae, nec recreas ( ut ante ) moestum  
 Te, sed luctus, & foro rebelli  
 Musis, dure vacas; in hisq. totus  
 Es: te dura necessitas molestis  
 Affigit querimonys, ad urbem  
 Inuitum retrahens virenti ab agro.  
 O mores hominum, dies & atro,  
 O nec lusibus, & iocis amica,  
 Sed latis odiosa secla Musis.*

*In aduersarios.*

**N**ONNVLII Capitis mei sinistrum  
*Querunt exitium, notamq. famam  
 Quidam inurere turpiter laborant  
 Nostra; qui tacitiq., subdoliq.  
 Dum nostrum maculare nomen ardent,  
 Vrantur penitus; facesq. tectas  
 Excitant, facibusq. lumen addunt  
 Nostris; & retegunt latentiores  
 Errores; quibus hi scatent dolosi:  
 Seq. ignominia notant, probriq.  
 Hos quando meritas luunt pene  
 Poenas, & sodiunt suum suapte  
 Pectus Marte, relinquimus. sed illis  
 Qui plagas mihi comminantur, obstat,  
 Illorumq. graues retundit ictus*

*Defen*

*Defensor cupidus mea salutis  
 Gusmanus vigil insubrum, sciensq.  
 Custos, & Philidon meis fauentes  
 Rebus, & bona pars seuerioris  
 Senatus, Rubeusq., Quintiusq.  
 Isth addo Somaliæ parentis  
 Certam bellipotentis, atque magni  
 Prolem, progenieq. martiali  
 Exortum, celebremq. Balbianum;  
 Teq. Paule Camille Mariana  
 Insigniq., probaq. stirpe natum.  
 Biragosq. celebritate nulli,  
 Et regimine, req. militari  
 Secundos, neque non sacri peritos  
 Iuris, pontificumq., Caesarisq.,  
 Puros criminis, integerrimosq.  
 Archintos, facilem & Litam, Piumq.,  
 Teq. nobilis, integerq. Magi,  
 Variosq. genus sagax, & æquum,  
 Et Rosignolum, atque Fannianos.  
 Si ciues alios, & optimates,  
 Atque patritias domos paratas  
 Opem ferre mihi libenter, edam,  
 Ingens hendecasyllabis volumen  
 Plenum confictam: timebit hostis  
 Fultum his præsidij meum ferire  
 Caput; meq. libentius tuentem  
 Pupillos inopes cohors amica*

*Rectos nata iuuare, sustinebit.*

**AD OCTAVIANVM PICCIVM**

*Vtriusque iuris consultum, & sacrificum.*

**P**ICCI quàm faciles tibi Camoenæ  
Sint, quàm dulce tibi sonare carmen  
Dent vati, numeris doces facietis;  
Cui non horribilis lues leporem  
Ademit, neque mortis horror ingens.  
Qui tam dulce canis minante lethum  
Dira peste Deo, & tonante laeuum,  
Quanto dulcius, elegantiusq.  
Tum te credibile est ciere carmen,  
Cum curis vacuo tibi serena  
Gaudet mens, vacat & dolore acerbo.

**AD OCTAVIANVM MAGGIVM**

*Venetorum apud Mediolanenses Legatum.*

**C**V iterum Maggi sacros gustare liquores,  
Articulisq. iubes me sociare modos?  
Auius à puris procul erro fontibus hami;  
Nos à pegaseo lite fugante lacu.  
Carmen opus vacuæ mentis, lætaq. iuuentia;  
Me fora, me sensum carmen hiare vetant.  
Desine pegasidum celebri me includere circo;  
Dedecet incanas picta corona comas.

*Sed*

*Sed iuuenis laurus uiret apta uirentibus annis ;  
 Hinc iuuenis Pæan, Pieridumq. chorus .  
 Aptius at frontem Gofelini ferta poetæ :  
 Et caput impediunt doctæ poeta tuum :  
 Væstra etenim Phoebæ pubenti gratior ætas ;  
 Gratius ut canitis carmina digna Deo .*

*AD PETRVM ANTONIVM  
 Lunatum Equitem, & Senatorem .*

**M**ERCVRIONE magis Lunate, patrine Gradiuo  
 Sis carus, dubitat gens studiosa probe ;  
 Nam quibus appares causas orare disertus ,  
 Facundo genitus diceris esse Deo ;  
 Qui norunt tua facta, satum te Marte feroci  
 Iurant, & pugilem, Marigenamq. vocant .  
 Qui sapiunt, fulsisse putant feliciter æquæ  
 Nascenti puero sidus utrunque tibi .  
 Qui cùm belligeras, Mars esse uideris ; & idem  
 Cùm loqueris magni nuncius esse Iouis .

*AD GALEAZIVM ERVGORAM  
 Senatorem .*

**N**ON nihil ætherei tibi seminis arguit esse  
 Erugora vis ardens corporis, atque animi .

AD ANTONIVM RVBEVM IV.  
reconsultum, & iustitia praefectum.

**L**AETANDVM quoties dignis praebentur honores;  
Vt tibi condigno iure tributus honos.  
Quòd reges sapiunt, donant cum fascibus aequos  
Consultos iuris, muneribusq. duces.  
Cetera rex sapiens, caelestis habetur in uno,  
Quòd tibi ius scitè dicere posse dedit.  
Cui virius Rubei patet, integritasq. probatur;  
O felix, culpas te prohibente, forum.

AD FEDERICVM QVIN-  
tium iusdicentem.

**E**GREGIVM sancti mens dia, catiq. Senatus  
Te, dotesq. tuas suspicit, atque probat.  
Hinc aliquos merito Quinti largitur honores,  
Delatura dehinc munera digna tibi.  
Parua licet patres dederint potiora merenti,  
Haud tamen hisce parum est cæpta placere tua.

Cur monstra commenti sint poëta.

**M**IRAMUR tot monstra pijs expressa poëtis,  
Vt minutatum Paspheës genitum;  
Vt scyllam canibus cinctam, formasq. Chimæra,  
Aëlit plexq. aliud, monstificumq. genus:

F

Empedo-

*Empedoclisq. nouas facies, geminataq. membra  
 Artubus humanis; ut bonis, atque lupi;  
 Est genus hoc hominum, cui mens rudis, effera, nautis  
 Oblita; qua reddit bruta, truceq. feras.*

*AD HIERONYMVM CASO-  
 nium Philosophum.*

**B**ARBARI EM plerique sonant, qui scripta sophorum  
 Exponunt, ijdem verba latina notant;  
 Teq. quòd appositè loqueris, mordere dicaces  
 Audent, ornatis anteferuntq. rudes;  
 Nouit Aristoteles leges sermonis achæi,  
 Hasq. secutus; eas scripta Platonis olent:  
 Porro tu sensus Casoni, & uerba magistri  
 Qui sequeris, sapiens es, lepidusq. simul;  
 Ornatus etiam docti Boldonius, atque  
 Albutius laudant, suspiciuntq. tuos;  
 Qui testes pro mille graues sunt testibus; hisce  
 Incultos ridens, perge placere uiris.

*DE FRANCISCO PANIGAROLA,  
 Annibale Urbinate, & Zacharia Mediolanensi,  
 alijsq. Illustribus Theologis.*

**C**ASTA Sacerdotes, diuinarumq. Magistros  
 Legum quàm cuperes Musa probare mea?  
 Syllaba sed prohibet; nec claudere nomina uersu  
 Barbara

Barbara nos latio lingua latina finit ;  
 Scribere nec didici miras épigrammate laudes  
 Horum, quas caperet uix satis historia .  
 Velfumant aliud nomen , uel Liuius alter  
 Dicat eos ; nobis quos reticere licet .

## AD ANNIBALEM VASTIVM.

SVRDVS es , & tenui compellas uoce sodales ,  
 Atque tuos nemo percipit aure sonos ;  
 Historiasq. cupis longas nouitatis amator  
 Discere ; eas socijs & recitare tuis .  
 Quamuis Marcellus , comes & Spineta fidelem  
 Te socium Vasti , teq. Luinus âment ,  
 Tecum uerba tamen faciunt non sponte , quòd ager  
 Tadiafers illis ore , sed aure tibi .

*De ingratis primatibus .*

VT preciosa suo desert qui munera regi ,  
 Fert paupertatem , flereq. perpetuum ,  
 Sic quisquis numerat locupleti millia nummum ,  
 Fert odium ueteris seruitij precium .

*De amico extincto .*

EXVLAT à terris animæ pars altera nostra ,  
 Pars apud insubres altera uiuit adhuc ;

*Exanimēsq. meus ducit nunc spiritus artius  
Non n. eus ; hinc uiuo mortuus ipse mihi.*

## DE IO. THOMA ODESCALCO

*Senatore.*

**Q**UID deceat cantumq. uirum, culpaq. carentem,  
Nos Odescalchi uita mōstrata accet.

*In euiarum.*

**O**CCURRIS quoties terui mihi diues, in are  
Narras esse meo te, memoremq. mei;  
Narras, sed nummos nunquam mihi porrigis; hercle  
In magnis opibus Tantalus alter eges.

## AD HIERONYMUM PICVM

*Mirandulanum C.*

**M**AGGIUS humanis decessit amicus, & hospes,  
Incundusq. tibi, perpetuusq. comes.  
Cui lepidus lepidus, doctusq. poëta poëta  
Docto sensa palam fidere suctus eras.  
Oppetijt; sed enim si numina mente tueri  
Pice vigere uocas, latius ille uiget.



DE SEVERINO MEDIOLANEN-

*si Sacerdote sub duo Augustino merente.*

45

ARTE Severinus prior, an probitate sit, æque  
*Ambigo; nam certè mirus utraque viget.*

AD DOMINICVM CLARITVM.

NOBILIS insulrum Clarite profectus ab oris,  
*Accetti Vencos, Eugancosq. lares:*  
*Latum ul. prælustris Veneri, insignisq. Manuti*  
*Te, Quidq. sacri detinet hospitium;*  
*Gaudeo te placida fructu gaudere cohortis,*  
*Congressuq. nouo, colloquijsq. frui.*  
*Te queror absentem; se dulci miscet amaror:*  
*Dulce tamen seuam vincit amaritiem.*

*Ad Insuores.*

LEGATI duo præcincti fulgente corona  
*Virtutum uestra geminum decus urbis, ab urbe*  
*Decessere, Calandra parens quem Mantua misit;*  
*Maggius & Vencis à terris vestra profectus*  
*Ad loca, qui gemino lustrabant lumine sedem*  
*Hanc, ut uterque suam proprijs insignibus ornat.*  
*Pro quibus Vrbinas Pacictus nomine Felix,*  
*Et rebus, linguas pulchrè qui callet, & artes,*  
*Sulpitiusq. sophos, sophiaq. magister honestant,*  
*Ille-*

*Illustrantq. plagas duplici duo lampade soles  
Vestras, acceptum dempta pro luce dolorem  
Letitia pensate; noua quam luce reperta  
Percipitis: cecam hæc pepulerunt lumina noctem.*

**AD BENEDICTVM GVIDVM**  
*diui Benedicti imitorem.*

**I***NCORRUPTA licet, nullaq. notata piorum  
Fratrium labe domus sit ducis ampla tui,  
Atque agat ad præscripta, Dei, diuumq. ministra,  
Docta tamen uates erudit illa suos:  
E quibus ipse canis quæ, Thrace nobilis Orpheo,  
Iudicet Orphea carmina digna lyra.  
Guide pius certè duplici ratione sacerdos  
Es, quia metra sonas, & quia sacra facis.*

**AD ZACHARIAM CAIMVM**  
*Medicum.*

**G***ALENVM graio, Celsum sermone latino,  
Paonia medicum Paona reddis ope;  
Alter Galenus, Cornelius alter, & alter  
Paon es; atque tuum par tribus exstat opus;  
Quòd si non totidem noscet Camutius artes;  
Vnus pro cunctis docte Caimæ fores.*

*De præstantia artis medicæ.*

**D**<sup>I</sup>VINI, quòd opis medicæ Deus author Apollo,  
Sunt medici, dices artis Apollineæ.

*Ad Primum Comitem.*

**E**S comes, & Primus, sapiensq., piusq. sacerdos,  
Primus, ut excellas nomine, req. sacer.

*AD IOANNEM SPINOSAM.*

**D**ICITVR ut lucus quia cassus luce, quòd hæret  
Spina libris non ulla tuis, spinosa uocaris.

*AD CAROLVM A BASILICA*  
*Petri Sacerdotem.*

**D**<sup>I</sup>VINIS nisi mutasses modulamina rebus,  
De te Musa sacer Carole quæsta foret.

Quòd tibi diua pedem facilis ferat, atque secunda;  
Aptius ut nulli nobile dicter epos.

Quippe boni uates alij componere versus  
Cessant; quos suaues perdocet illa sonos.

Mutius ut Pusterla, sagax ut Carcanus, ambo  
Consulti, ut prudens Picus, atque memor;

His quia post artes rhythmici, post Pallada Muse  
Sunt, irata dolet, conqueriturq. Dea.

*Tu*

*Tu sanctis operare choris; datur unde perenni  
Aetheriaq. fru. luce, Deoq. tibi.*

*AD PROSPERVM VICE.  
comitem.*

*C*VIDAM phidiacareges, heroas & arte  
Celarunt; hosilem pinxit & historia;  
Inch te quos Prosper gemina feliciter arte  
Ex primis historica, phidiacaq. duces;  
Tantum tibi debet ueterum tibi fama superstes,  
Historia quantum, sculptilibusq. simul.

*AD ANDREAM CAMVTIVM  
Physiologum, & medicum.*

*C*VI virtus testata tua est memorande Camuti,  
Semine mortali te negat esse satum.

*AD GERARDVM BORGONIVM.*

*R*ES tenuis Gherarde tibi fortuna ministrat;  
Sed sanam mentem genitrix in corpore sano  
Ingerunt natura; modus Thymbræus Apollo  
Acribere p. se dedit tufcos, tufcaq. Camæna.  
Tu tibi quasisti pulchras ope Palladis artes,  
Nec plus aris aues, quàm tictus possit, Et usus;  
Ista mente iuges Crasso locupletior. æquum  
Te Læus ut sinxit, sic omni prosperet auro.

*AD*

49

AD IACOBVM CRITONIVM  
SUPERSTITEM.

**N**E nihil eximium capiat pulcherrimus orbis,  
Ipse sator mundi tempus in omne cauet.  
Socrate sublato iactarunt secula Platonem;  
Mortuus iste locum cessit Aristoteli.  
Cognatus tibi prateritis Critonius annis  
Dum superabat, honos orbis auitus erat:  
Nomine quem reserens claro & cognomine Scotum  
Fers terris amplum Scotus & ipse decus.  
Quaq; diu prius Argolico post aere dulci  
Ausonio voluit blanda Thalia frui,  
Nunc gelidum latio digressa recessit ad axem,  
In primis Scotos gaudet obire lacus.  
Hinc prædulce canit soboles Critonia carmen;  
Præq; alijs suaues dant tua plectra sonos.  
Temporibus nec nostra vetustis inuadet atas;  
Nam reddis veteres ipse lepore tuo.

DE GEORGIO, ET IOANNE  
Manricis fratribus.

**M**ANRICOS cupidi celebrare poemate fratres,  
Conficiant longa par opus historia.

*In Ruffum .*

**Q**UOD tua non parvis opibus mens dedita Ruffe  
Est, tumido laudes diuitis ore sonas .

*Affentatorem sed Ruffe referre Gabinum,  
Non laudatorem diceris arte tua.*

*Quòd locuples, & iners minus est laudandus ; & ipse  
Non quòd inops , sequeris sed quòd auarus opes .*

*In Tigellium .*

**S**ORTITVS magnanuptam cum dote Tigelli  
Pauper es , ut coa veste superbus eas .

*Cedere si nescis quibus es primoribus impar ,*

*Quem tibi post duces ditior esse parem ?*

*Quæ modò vix capiunt se parua turgida conche,  
Appositus rumpet mox tua membra tumor .*

*AD CAMILLVM CASTELLATIVM I.C.*

**H**VMANO si diua loqui velit ore Minerva ,  
Ore velit loquier docte Camille tuo .

*DE ASCANIO, ET ALFONSO*

*Mozionijs fratribus .*

**Q**UICQUID præcipuos homines illustrat , adepti  
Sunt satis Ascanius, frater & Ascany ;

No-

*Nobilitat natura parens, fortuna secundat  
 Hos dites animi, conspicuosq. bonis;  
 Quodq. decet, legesq. iubent, & sanctio diuum,  
 Cuius vtiliter praestat uterque suis.  
 Non geminos (ut sit facies non unica) fratres  
 Verum unum (tantum conuenit hisce) putes.*

*AD GASPAREM TURRIVM  
 Iurisconsultum.*

*A*BSENTEM quereris Terzagum candide Turri;  
 Et te Terzagus comis abesse dolet:  
 Ingens telluris spatium vos distinet; una  
 Mens ligat; hoc verum dico sodalitium.

*In funere Gabrii Serbelloni Eq.*

*I*NNUMERIS claret stellis innubilis aether;  
 Tantum uno diues sidere fulsit humus;  
 Hoc fuscis etiam terris inuidit olympus;  
 Auxit & hoc nitidas, quas gerit, igne faces:  
 Luce tua Gabri tellus modo clara, tenebris  
 Nunc latet; hac ardens purius aethra micat.

*In obitu Afcanij Centorij.*

*Q*VAE ILLA suscepit, si reddat semina tellus,  
 Hac oratores, historicosq. ferat;

Corpore Centori quæ fœta iacentis ; hic vnus  
 Promille historicis, rhetoribusq. fuit.

AD PETRVM PONZVM  
 ductorem Velutum.

PROFUIT ignoto, quantum vix proficit ulli  
 Vir fidus socio, vis mihi Ponze tua ;  
 Quòd requie, quòd pace frui mihi contigit, vni  
 Acceptum id refero dux animose tibi ;  
 Qui regis externos tam fortiter hospes, amicis  
 Quàm sis ipse tuis obsequiosus homo  
 Quis dubitet ? regum tibi mens, & regia virtus ;  
 Præter regis opes, omnia regis habes.

AD IVLIVM BARTVM  
 Sacerdotem.

MORIBVS italicis ritus qui iungit iberos  
 Vir probus, hoc scitè, compositèq. facit ;  
 Haud etenim cuius connectere dissona proptum est ;  
 Dis ordesq. animos conciliare cati est ;  
 Tu comes hispanis generosæ natus Ilerda,  
 Ausonijsq. comes crederis ausonius.  
 Cui tua non constat Iuli solertia ? gratus  
 Qui vir es hispanis, gratus & ausonijs.



53

AD HIERONYMVM  
Burgundium.

QV<sup>I</sup> meritos ciues iuuat officiosus in omnes,  
Carus hic est patria, carus hic est superis:  
Quòd leuat auxilio mortales, quòdq. beatis  
Se dijs consimilem præstat, utrisque placet.  
Talem Burgundi populus te prædicat æquus,  
Qui iusta trutinat facta bilance tua.  
Cui tua suppetias homini negat insita virtus?  
Istuc cælestes est simulare Deos.

DE AVE MORTVA IOANNIS  
Mendotij I. C.

A<sup>L</sup>ITE cum picta perijt canor; inde silente  
Quæ resonabat humo, muta sepulchra canunt.

De eadem.

P<sup>O</sup>STQVAM dulcisonus cecidit Mendotius ales,  
Dedidit dulces hæc plaga mœsta sonos.

AD IO. BAPTISTAM SVSIVM  
philosophum, & medicum.

N<sup>O</sup>N aliter maculas animorum dogmate Sufi,  
Quàm medica morbos corporis arte leuas.

AD FRANCISCVM TONSVM  
equitem.

**A**CER Martis eques, cui mens interrita Tonse,  
Certè incredibile est quanto tuare poëtas,  
Et scitos homines nifu; nam martia proles  
Est Musis aduersa; tibi nil carius illis.  
Nimirum quia Tonsus eques, quo blandius alter  
Non recinit lyricos uersus; te iure propinquum,  
Germanumq. uocat: fraterno iunctus amore  
Cui, doctos tu ritè probas, & protegis armis,  
Atque opibus. debetur honos fortissime belli,  
Virtutisq. tibi; nutris quam miles, & ornas.

AD SIGISMVNDVM FOLIANYM.

**Q**UID fletur Foliane tibi Rasarius artes  
Edoctus Phoebi, Cecropiaq. Dea?  
Cultus & Vbaldus quid fletur? uterque beatis  
Assidet insertus, coelutibusq. choris.  
Hos potius nostri miseret; qui prada vagamur  
Casus, morborum, saliciferaeq. manus.  
Nostrum (crede) mori est, illorum uiuere: nostram  
Te magis æqua iubet causa dolere uicem.

AD CAESAREM MILLEFANTVM

**S**VNT quibus uberior uerborum suppetit usus;  
Vox quibus, atque latus deficit, atque decor;

Hec

*Hæc alijs insunt, desit sed copia; multis  
 Hæc, atque illa Charis, Mercuriusq. negat.  
 Tu uerò linguas, & gestus, quæq. peritum,  
 Facundumq. decent, omnia Cæsar habes.*

*AD IO. PHILIPPVM M GHERAR-*  
*dinum, & Ludouicum Gandinum.*

*GHERARDINE mele, Gandineq. dulcia uates  
 Quos cecinisse palam est,  
 Quòd blandis genitos numeris haud pascitis, hami  
 Deseruiſtis aquas;  
 Nunc sapitis, dulcem natis qui quaritis escam:  
 Desipiunt alijs;  
 Qui laudis cupidi festinant perdere uitam;  
 O stolidos homines;  
 Qui fame tabescunt, famam dum querere tentant;  
 Atque inopes pereunt.*

*In auarum Causidicum.*

*VT Plutum locuples, & opes sequereris, egenos  
 Dijs caros, numenq. patrone perosus es, ergo  
 A Ione neglectus, manes detrusus ad imos  
 Aeternum diues cum Pluto dte manebis.*

AVGVSTINVS GAMBARELLA  
de fortuna loquitur.

ANTE citis reuoluta rotis fortuna, nec uno  
Vultu, nec stabili mente, nec aqua fuit;  
Se modò dedit, vestigia figit; eodem  
Vultu recta probat, constat & ipsa sibi.  
Anellum mi iusta dedit repetita bis; omni  
Aevo sis constans sors, facilisq. mihi.

IN OBITU EVSTACHII  
Amati.

IMPIA mors rapuit Gonzagam Martis alumnus;  
Quicum res omnes inersit iniqua meas;  
Seruitium, magnusq. labor, diuturna q. cura  
Octavi secum deperiere mihi.  
Nec satis est auida morti, res protinus omnes  
Deleuisse meas, me quoque seua tulit.  
Morte sed h. c. melior defuncto vita reperta est;  
Donaq. sunt saluo diuitiora mihi.

AD FEDERICVM BORROMEVM C.

QVAMVIS praeberint carum te ciuibus, atque  
Conspicuum sub his lumina clara tue,  
Lumina quae praestes diua Praxedis in omnes  
Diffusit terras, condecoratq. magis.

Grator ipse tamen, multoq. illustrior istis  
 Dotibus effulges, luminibusq. tuis.  
 Ornamenta tibi Federice domestica multos,  
 Sed tua non multos exhibuere pares:  
 Hac alijs unus præcellis laude, magistros  
 Quod largo cumulas splendidus ære tuos.

IN OBITU ZACHARIAE EREM-  
 itani Theologi.

TE diuinarum perfectâ scientia rerum,  
 Et proba coelestem uitâ fuisse probat:  
 Ut coelestis eras, coelus homo debitus; ergo  
 Te superos inter quis neget esse choros?

Ad amicum . .

CUM tibi pauperior nihil auxiliarer opimo,  
 Adiutor nobis ipse frequenter eras:  
 Nunc ubi nostra tulit magnum tibi cura leuamen,  
 Desinis immerito commodus esse mihi:  
 Quod seruo mea membra, tuos dum curo dolores,  
 Desistam merito commodus esse tibi.

In pictorem quendam .

Q UOD cupido picturâ tibi nil laudis, & aris  
 Vana dedit, duram sed sine laude famem,  
 H Mensor

*Mensor quàm pictor mauiſ infane uocari ,  
 Euclidſq. operum, Pythagoræq. rudis .  
 Ars noua ſed uetula tibi teſtor arte uetuſta  
 Imminuit famam , congeminatq. famem .*

*In rudem litterarum cenſorem .*

**D***V*LCIBVS agreſtes quia præfers barde loquelas,  
 Diceris auriculas regis habere Mida ;  
 Sic ſtolido longas Phoebus tibi duplicet aures ,  
 Vt lepidoſ aſini percipis aure ſonos .

*De Flabellis .*

**V***I*UIT frigoriſ nimioſ qui temperat æſtus,  
 Aëſtus diminuunt mota flabella graues ;  
 Vtile ſolſtitijſ quiſ non emet ære flabellum ,  
 Cuiuſ ope adducto frigore, uita manet ?

*Author de ſe ipſo .*

**A***N*NOſ biſ geminoſ, biſ ſenaq. luſtra peregi ;  
 Incolumiſ puber, uirq. ſenexq. priuſ ;  
 Nec mihi cura fuit gemmaſ, atque æriſ acervoſ  
 Quarere, nec latum bobuſ arare ſolum ;  
 Aeriſq. domoſ ampluſ æquare coloſſiſ ,  
 Nec picturaſ enituiſſe ſagiſ ;

*Barbaritio*

*Barbaricis nec equis ferri, nec habere ministros;  
 Pingue nec armentum, regificasq. dapes:  
 Unic a sed uiuit uirtus me laudis auarum,  
 Nec plus poscentem, quàm ferat usus, opum;  
 Nunc uetus, ager, inopsq. labo, nec deprecor hasce  
 Aerumnas, aliquem tristibus oro modum.*

*IN OBITU MARCELLI CASTI-  
 lionei I. C.*

*SICUT vixisti Marcelle perutilis urbi,  
 Estq. tua multis parua salute salus,  
 Sic obitu non parua tuo dispendia plebi  
 Fers, nec nullus adit saua pericla cliens:  
 Sulpitij normas nosti, decretaq. prisca,  
 Caesaris et leges, pontificumq. libros.  
 Inter consultos iuris, celebresq. patronos  
 Conspicius, classis lumen, honorq. tue.  
 Non te surripuit tibi mors, sed ciuibus; immò  
 Te tibi restituit, coelicolumq. choris.*

*IN OPVS HORATII CARPANI  
 I. C.*

*EST homicidarum liber hic homicida, nec asper  
 Occidit quenquam, tela nec ulla gerit.  
 Sed prohibet nequis mortales enecet; hoc est  
 Sanguineas scriptis exanimare manus.*

**S**I quibus est studium Bizanti noscere cultus,  
 Quos celsa varios Phœbus in urbe videt,  
 Tam clarè cernent pictos hoc indice libro,  
 Quàm qui threicia ducit in urbe moras.

### AD BERNARDINUM BALDUM.

**S**OLLICITIS tusco præcepta poemate nautis  
 Tradidit Uranie te Balde poëta magistro;  
 Commoda remigibus posthac, faciliq. futura,  
 Istas edoctis, aperit quas Pieris, artes;  
 Aequa tibi; Dij nanque fauent mortalibus agris,  
 Qui monitis parent, diuinaq. iussa capeffunt.  
 Viribus astrorum notis, & flatibus euri,  
 Atque noti, trucidis & boreæ, lenisq. fauoni  
 Te monitore, tuoq. instructi carmine discent,  
 Quà teneant cursum naucleri, quos maris æstus  
 Vitent, & scopulos cauti; nauemq. per undas  
 Salua merce, uirisq. trahent, portuq. subibunt.

*Ad adolescentes.*

**E**XIGVAS ut querat opes, plerunque minaci  
 Committit uitam cum trabe turba salo;  
 Millia quot iuuenum spe lucri castra sequuntur?  
 Nec metuant æstus, frigora, tela, necem?

*Sed*



*Sed quos spe ducunt artes, specieq; perennis  
 Vita, nos chartis inuigilare piget.  
 Non sic prisca Remi pubes, grainq; iuuentus;  
 Quæ laudis studio quodq; subiuit onus.  
 Iam clarum studijs contendite nomen apisci,  
 Nec grauis est illis incuhuisse labor.*

## DE FEDERICO COMMANDINO.

**D**ESIERANT homines doctam tractare matheſim,  
 Hinc ea delituit pene ſepulta diu.  
*Sed Commandini vigilis noua cura iacentem  
 Reſtituit nobis, reſtituitq; ſibi.  
 Nomen hic Euclidis meruit me iudice, talem  
 Illius eſſe probant ſcripta recepta uirum.  
 Scilicet Euclidi quantum ſua tempora priſco,  
 Euclidi debent ſecula noſtra ſuo.*

## AD NICOLAVM SFONDRATVM Cardinalem.

**C**ONSPICVI patris, & patrimonii dignus ut heres  
 Sis, tincta eſt tyrio murice lana tibi.  
*Quas tribuit merito diues natura parenti,  
 Has eadem genito prodiga præbet opes;  
 Ingenium, ſancti normam, uirtutis amorem,  
 Quaque caput ſanum, ſanaq; membra ferunt:  
 Quos vigilēs ſtudio Sfondrati auxiſtis honores;  
 Fors ſimili ueſtrum fauit utriq; modo.*

*Purpu*

*Purpureo dedit ambobus splendescere cultu ;  
 Mitraq uos habuit præfatis, atque toga.  
 Sed quæ non hæsit, casu prohibente, paterno,  
 Hærebit capiti gemmea mitra tuo.*

**IN OBITU RENATI BIRAGI**  
*Cardinalis.*

**C**LARIVS exanimis, quàm longa ætate superstes  
 Nomine notescis summe Renate tuo ;  
 Vixeris ut notus multis insignibus, ornant  
 Latos quæ clauos, purpureasq. togas ,  
 Utq. sacerdotum meritis Biraga celebret  
 Te tua progenies, luminibusq. ducum,  
 Post cineres tamen æthereo fulgore coruscus,  
 Cum superis tanquam morte renatus agis.

**IN OBITU ANTONII ANTONIANI**  
*Bibliopola.*

**Q**UÆ iuuenis nunquam requieuit, quiq. labores  
 Duxit post multos ocia grata senex ,  
 Post obitum haud requiescit in hac Antonius urna ;  
 Antipodum sed emit bibliopola libros.

**AD GOTARDVM REYNAM**  
*Senatorem.*

**V**T gemmis insigne renidet purius aurum ,  
 Utq. micant auro lutea texta magis ,

*Sic clari splendore suo, sanctiq. Senatus  
 Ditor adiuncta lampade fulget honos.  
 Tu noua fax aequi radias Gotarde Senatus,  
 Nunc uere splendet lucidus ordo patrum.*

*AD IO. ANTONIV M ODESCALCV M  
 Senatorem.*

*FVL SIT Odescalchi pralustris honore Senatus;  
 Quouncto abcessit pars bona lucis humo;  
 Lumen Odescalcus patribus modò reddidit alter,  
 Nec minus enituit sole recente vetus.  
 Ne lectos non mira patres lux ornet, auita  
 Pro face fax illis nascitur usque noua.*

*DE HIERONYMO MONTIO  
 Senatore.*

*MONTIVS excessit super alta cacumina montis  
 Parnassi Musis, & tibi Phoebe sacer,  
 Hoc illi chorus Aonidum concessit alumno,  
 Auris dum uiuo fata dedere frui.  
 Post obitum felix conscendit culmina cœli:  
 Viuus, & exanimis Montius usque fuit.*

*AD FRANCISCV M PANIGAROLAM  
 singularem & theologum, & concionatorem.*

*DÆDALA semideos mens arguit, osq. canorum,  
 Quod facili illustrat mystica verba sono;  
 Dum-*

*Dummodo sit placido grauitas condita lepore ;  
 Quæq. decet superos , gratia iuncta sono .  
 Hæc plene Franciscæ tibi diuinitus uni  
 Tradita , semideum te genus esse probant .*

*DE AEGROTATIONE IOANNIS  
 Tonsi Equitis .*

**I***MMERITVM* te Tonsæ nimis ferus ulcerat angor ,  
 Atque tuos artus feruida febris edit ;  
 Parce secare boni dolor intestina poëta ;  
 Nam nulli vates fas uiolare pios .  
 Illasq. sacerdotes iubet esse deorum  
 Sanctio ; luctificum Dii prohibete nefas .  
 O fera natura vulgo quæ miscet inerti  
 Lex gnaros homines, hymniferumq. chorum ,  
 Quæ neque vaniloquo cantum secreuit V' lissæm  
 Iro , nec famulo te cæcæ Flacce rudi ;  
 Humana tamen arte cohors se docta remouit  
 A grege ; quæ virus mortis, & arma fugit ,  
 Quæ parat inuita vitam sibi morte perennem ;  
 Quæ Tonsus dempto sine superstes erit .

*IN OBITU HIERONYMI DONA.  
 ii Veneti .*

**Q***VIS* tua lethali violauit pectora ferro  
 Impius , atque animæ pubentes exiit artus ?  
*Sustulit*

Suscepit & tecum diuinum laudis honorem?  
 Suscepit & mores, linguas, & dogmata, & artes?  
 Ah nimium scelerata manus, feralis & hasta;  
 Casta cruentaui qua corpora, pectus & hausit  
 Innocuum solide flumen uirtutis, & aequè  
 Graijs carminibus, latysq. accentibus aptum.  
 Quantum splendoris Venetæ mors abstulit urbi?  
 Quanta luce caret studiosa academia uatum?  
 Quanta patricius seniorum decidit ordo  
 Spe? culpæ, & scelere, quantum terroris ademptum est  
 Consilium prudens tibi, mensq. senilis ephēbo,  
 Inq. homines pius, atque Deos es notus, & aequi  
 Defensor, placidusq. fero uel amabilis hosti.  
 Pro quibus acceptum superis, Donate beatos  
 Inter coelicolas quis te neget esse relatum?  
 Aeternumq. frui diuina luce parentis?  
 Quæ nobis sunt sola necis solatia dura.

IN EXEQVIIS ANNAE AVSTRIÆ  
 Regina Hispaniarum.

A GRADIBVS primis octo tolluntur acutæ  
 Pyramides celsi culmen ad usque tholi;  
 Atque decem statuas breuior capit ordo secundus;  
 Fert & eo breuior tertius ordo decem;  
 Regina tumulus medium sese erigit inter  
 Effigies ueterum, pyramidesq. nouas;  
 Cereæ mille diem uincunt funalia luce;  
 Quorum pars adis lustrat utrunque latus;

*Pars se diffundit circum monimenta, nec usquam  
Tot facibus claret, taleq. surgit opus.*

*IN OBITU NICOLAI BOLDONII,  
& Io. Petri Albutij medicorum.*

*S*ICUT honorifici Podalrius, atque Machaon,  
Hiq. salutiferi peruiguerunt suis;  
Sic senis Albuti, Boldoniq; arte magistra  
Laus est parta suis ciuibus, atque salus;  
Proh dolor, inuita populus ne morte supersit,  
Authores uitae mors uiolenta tulit.  
Pro uita populo quae praebita, degere uitam  
Iuppiter his hilarem, perpetuamq. dedit.

*Author ad seipsum.*

*O*MNIA parua tibi Baldine pusille tributa  
Sunt, persona breuis, res, domus, atque toga;  
Linea texta, thorus, lodices, mensa, supellex,  
Aes, oculi, uires, gratia, sermo, fauor.  
Sint quamuis haec parua, tamen non parua cupido  
Virtutis, tenuis nec tibi laudis amor:  
Paruulus hac uulgo ratione uideris inertis,  
Non ita te paruum qui sapit, esse putat.

*DE CAEDE IACOBI CRITONII.*

*N*ATVS in agresti, gelidoq. Critonius orbe,  
Quem sterilis Scotus, barbariesq. tenet,  
Graciosa-

*Græcisavit uti doctis nutritus Athenis ,  
 Vtq. latinus homo verba latina dedit ;  
 Cum tuscè loqueretur , eum miratus hetruscis  
 Iurasses ortum , & se tenuisse locis .  
 Teutonico magnos expressit Teutonas ore ;  
 Arguit hunc Gallo gallica lingua satum ;  
 Novit Aristotelis sensus , graiamq. matheſim ;  
 Diuorum & monitus , Moconidumq. sonos .  
 Non tenuis labor est alias intexere chartis  
 Illius dotes , dignaq. verba Deo .  
 Proh dolor , undenos bis nondum impleuerat annos  
 Formosus , soboles regia , miles , eques ;  
 Cum caput hymniferum manus impia sustulit , inde  
 Herois heros assidet usque choris .*

*IN OBITU SULPITII ARLOTI  
 Philosophi .*

**T**OT mihi dilectos mors est prædata sodales ,  
 Dum sol præterijt ter tria signa rotis ;  
 Vt plures socios tulerit pars unius anni ,  
 Quàm lasso dederint lustra , laborq. mihi ;  
 Nunc quoque Sulpitium , quo non præstantior alter ,  
 Mors animæ partem surpuit atra mea .  
 Quo tuto calcas pede Mortis terga superba ;  
 Postquam deseruit lumine cassus humum .  
 Viuida nam uirtus nocitura nescia mortis ,  
 Tranquillè , domita Morte , superstes agit .

## IN LIBRVM VBALDI

Gherardi.

**Q**VI virtutis amant insignia pulchra doceri,  
 Quæq. sequi iuuenes, quæq. cauere decet,  
 Vbaldi cultum discans opus; indice libro  
 Hoc rectum pubes lecta tenebit iter.

## AD ALFONSV M MOZIONIV M.

**S**I te versiculi iuuant, iociq.  
 Qui mentes recreant, decentq. vatem,  
 Nil est, quod cytharam rudem fatiges  
 Nostram; dediticit sonos uetusta  
 Corrosis fidibus, nigroq. tineta  
 Fumo, clauiculisq. fixa scabris.  
 Hac percussa manu cita, leuiq.  
 Odis pollice tangier senili.  
 Alfonse ergo chelym iocosiore,  
 Poëtasq. require blandiores,  
 Si te versiculi iuuant, iociq.

## AD ALDUM MANVTIV M

Pauli filium.

**A**LDI docte nepos pereruditi,  
 Es Pauli patris elegantiarum  
 Fili, patris, auig. certa proles,

Et



Et cognominis, atque laudis haeres  
 Aeterna, ut titulis Manutiorum  
 Addi luminis, & celebritatis  
 Nil possit, tamen Alde clariores  
 Hos uirtus tua, claritasque reddit.  
 Sic te numina prosperent, ut ornas,  
 Si qua luce potest honos auitus  
 Ornari, patriusque: dentque laetis  
 Affulgere tibi choris; perenni &  
 Par, famaque tua vigere seculum.

## AD SYLVIVM SPANNOCHIVM

### I. C.

UT tellus foecunda nouos fert ubere fructus,  
 Atque ferax partu plenius ipsa suo est,  
 Sic Sylus profers iterum qui scripta, videris  
 Editione magis fertilis esse tua.  
 Perge tuis ditare libris fora; Mortis aduncam  
 Sic falcem temnes, & trucidis ora Dea.  
 Post cineres quia fata dabunt tibi ducere vitam,  
 Atque alijs fructum ferre, decusque tuis.

In aduersarium.

QUAE R I S uti tecum feriam sociabile foedus,  
 Permetuens noceat ne mea lingua tibi;  
 At percussa nihil prohibebunt foedera, fido  
 Occulte noceat ne tua lingua mihi:

Meq.

*Meq. magis feriet pacem mentita simulas,  
 Quàm qua tela ferox hostis aperta geris.  
 Hac ego diffugiam prudens nudata, sed idem  
 Ad tacitum vulnus non ita cautus ero.  
 Te mihi concilies, magè qui nouus hospes amico  
 Perniciosus eris, quam vetus hostis eras?*

*IN OBITU FRANCISCI  
 Bernardini Besutij.*

**D***ILECTA lauro corpus cecidisse Besuti  
 Ficta tibi nuper monstrat imago tuum;  
 Mortis erant simulachra tua prænuncia; nanque  
 Stamina mox rupit Parca sinistra tibi.  
 Casura species erat index molis onusta;  
 Nam domus est anima celsior apta leui.*

*In uentosum hominem.*

**H***Is aperis aditum ad cœlos uentose, quibus cum  
 Est tibi sermo frequens, hospitiumq. uetus;  
 Est generis quia grata Deo tolerantia nostri;  
 Quam monitus subigunt discere quenque tui.  
 Tu uerò nimis impatiens. hinc tartara uises  
 Tu, duce quo scandent sidera celsa tui.*

*DE CATELLA MORTUA  
 Clara Gofelina.*

**Q***UOD modò conspicius nobis arsisse cometes  
 Creditus, est stellis addita stella canis;*

*Albam*

*Albam Alba claram Clara quam surpuit aether ,  
Hinc magis albet ea , claret & aethra magis .*

*AD CAROLVM ARAGONAM  
Terra nouæ Principem .*

**O** MNIBVS exoptant studijs te , lata iuuentus ,  
Matres , atque nurus , inualidq. senes ;  
Scriptorum qui docta probant praecepta , sophosq. ,  
Quos vita candor , iusq. , piusq. iuuat .  
Nam duce te spes certa locum fore legibus ; aptè  
Imposito culpa , litigijsq. modo .  
Nile tenim , nisi quod rectum dabis integer , aequus ,  
Et catus , & princeps , ingenuusq. pater .  
Sic tibi dent faciles cursus quasita petenti  
Littora Leucotheæ , Nereidumq. chorus ;  
Sospes & in nostris facias vestigia terris ,  
Soluat & indemnæ gens pia uota Deo .

*DE SALVBRIVVENTO  
Antonij Zauatarij I.C.*

**M**ILLE modis homines hominum mens ladere nouit ,  
Præcipue lites commeditata graueis ;  
Quas in longa dolis didicit producere secla ;  
Plurimus unde cliens tristis , inopsq. perit .  
Ars noua sed prisca certat quæ sanctior arti ,  
Est citò litigij impositura modum ;

*Hac*

*Hac duce non miseros perdent dispendia ciues :*

*Hac duce spes lassiss posse quiete frui .*

*Numinis hanc ueri monitus Antonius artem*

*Repperit , ut uetus est tradita Ditis ope .*

*In diuitem auarum .*

**C***V* *M* *magis arcta forent largo tibi pradia , & ades*  
*Parua , uirtutis fautor , & alior eras :*

*Florebatq. domus tua doctis artibus una ,*

*Nobilibusuatum plena , frequensq. choris :*

*Nunc uerò quando maior tibi copia rerum est ,*

*Non Aganippeas assis auare facis .*

*Vt doctas iterumpascasq. , iuuesq. caternas ,*

*Angustet fines limes ut ante tuos .*

## *IN LIBRUM IO. PAULI HOMATII CAECI.*

**Q** *V* *i *s* *mundi partes tam docte pinxit? an Argus?*  
*Non : caret hic oculis , centeno lumine uidit**

*Argus ; Tiresiasne magus , qui luminis expert*

*Est speculatus , homo quæ nullus calluit ? immò*

*Alier Tiresias insignis , nomine Paulus :*

*Præter Tiresiam quis enim perspexit acutus ,*

*Codice quæ Paulus tam scitè prodidit aureo ?*

*In eundem .*

**C** *A* *E* *C* *V* *s* *humum , glaucamq. Thetin descripsit , & auræ ,*  
*Et calidos ignes , athereasq. domos ,*

*Coele-*

*Coelestesq. animas, acies quas nulla tuetur;  
 Nec potis est studio ponere docta manus.  
 Quis Paulo pictor lynceus oculatior orbo,  
 Lumine qui celsa mentis operta uidet?*

*DE PAVLO MARIA CONCIONA-  
 tore Caco.*

*NON cacos cacus ducit; quis crederet? index  
 Eius, quæ ad superum limen aperta uia est;  
 Hoc aquila melius cernit uir lumine captus,  
 Hoc ut talpa uidet gens oculata modo.*

*Ad mulierem.*

*MISISTI duo picta mihi sudaria capto;  
 Ut siccem humentes perpete rore genas:  
 Ecce ferit feritate tua, pietate recedit  
 Lachryma, sic pietas in feritate tua est.*

*AD CAESAREM MILLEFANTVM.*

*CVML latia Caesar graecorum cognita lingua,  
 Atque oratorum scripta notata tibi,  
 Ingenijq. tui uires te sensa magistri  
 Testantur fides explicuisse notis.  
 Membranis igitur qui lucem querit in istis,  
 Idem Phoebæo querit in orbe iubar.*

AD PAULVM HOMATIVM  
Cacum .

**T**E cacum putat esse , tuos qui percipit aure  
Sermones ; lynceum , qui tua scripta legit .  
Quàm distat sonus à chartis tuus ? Argus habetis  
Paule notis , orbem Phinea uoce sonas .

DE SCIPIONIBVS AFRICANO,  
& Simoneta .

**Q**UOS ualida fregit ui Scipio fortis iberos ,  
Firmabit doctis Scipio consilijs ;  
Infectos italis olim , nunc fœdere iunctos  
Scipio Marte ferit , Scipio pace iuuat .

IN FVNERE GASPARI TURRI  
Iurisconsulti .

**F**UNCTVS es heu uita Turri , nec Pallas alumnus .  
Te rapida potuit præripuisse neci ;  
At nemorum Dictynna potens à morte reduxit  
Hippolytum ; nomen Virbius unde uiro est .  
Sylvarum cultrix ut uiuat ephebus in agro ,  
A phlegethonteis hunc reuocauit aquis ;  
Sublatum ad coelos Dea sed coelestis ab aruis ,  
In supera gaudet te superesse plaga .

**Q**'V ALEM iusta Faci te curia iudicet, index  
Est data cura tibi scriptorum quaq. notandi.

*In maritum hircum.*

**A**RM A V I T caput hircinis tibi cornibus uxor,  
Ob quæ ampullaris, magnificumq. sonas;  
Lenis & in moechum iuuenem, moechamq. puellam,  
Præterea in cunctos toruus, atroxq. furis.  
Quod caper infida thalami consorte superbis,  
Certè non alia coniuge dignus eras.

*De Mentula fictore.*

**B**I s senos Titan dum circuit impiger orbes,  
Exiguum segnis Mentula finxit opus;  
Alter & ignotus Plastes quod poneret anno;  
Nec tamen id bellum per breue fecit opus.  
Alter at ille tamen Bramantes dicier optat;  
Verius at multo mentula nomen habet.

DE CAMILLIS FVRIO, ET  
*Porro.*

**I**N S I G N E S genuit mira uirtute Camillos,  
Moribus & sanctis itala terra duos;  
Progeniuit Furium, Gallos qui contudit hostes;  
Quos se commendat martia Roma duce:

*Et Porrum, insubres quo ciue, & praside iactant  
 Se; quem iure vocat diues, inopsq. patrem:  
 Proh dolor, hos humili populo, & primoribus ortos,  
 Infleces nullis impia mors rapuit.*

## DE CATELLA CLARAE GOSELINÆ.

**V**INCIT ebur candore canis, quam blanda pusillam  
 Clara tepente fouet, lacteoloq. sinu:  
*Ac macule, quibus est inspersa canicula, pulchro  
 Narcisso rident gratius, atque rosis.  
 Molliculusq. pilis admota, cutiq. catella,  
 Iudicat hisce nihil mollius esse manus:  
 Tyndaris huic habuit similem; sic ore lacenam  
 Clara refert, Helenes ut canis ista canem.*

## DE CATULIS MARGARITÆ Brugoræ.

**L**V DUNT in tenero sinu catelli  
 Margarita tuo faceta bini  
*Formosi, breuior, uenustiorq.  
 Non ijs aspicitur canis Lacanæ  
 In Coelo; licet hac adornet astra  
 Sextili rutilans lucerna mense.  
 Horum si placidos uidere visus  
 Coeperint superi, & sonis cieri,  
 Descendet Iouis ales, ut tenellos  
 Ex heræ gremio rapax aduncis*



*In coelum pedibus ferat, puellum  
 Ut phrygem tulit; inferetq. stellis :  
 Si molles catuli placent ( ut hercle  
 Margarita tibi placenz ) manere  
 Sub dio placitos ueta; beati  
 Ne uisof adimant tibi; quaternos  
 Coelestes nisi uis canes micare .*

*De dracone, & angue .*

**E**ST draco Romanis custos, insubribus anguis  
*Fidus, & in proprium lenis uterque gregem :  
 Aspera cum constet mansuescere corda ferarum,  
 Spes pacem populis est, dominisq. fore .*

*Author .*

**C**AUTVS Aristoteles hominem sociabile dixit .  
*Esse animal, solumq. hominem genus esse deorum,  
 Aut pecoris sensit : lepidus quo iudice Clemens  
 Nomen homo meruit ; socijs qui diues apertas  
 Præbuit usque fores; conuiua facetus, & hospes  
 Comis, & officiosus in omneis, liber, & æquus .  
 Has hominis proprias dotes ait esse magister .*

**IN CREATIONE SIXTI V.**

*Pont. Max.*

**C**ONSONA quàm rebus sint nomina, discere lector  
*Ex triplici potis es nomine Pontificis .*

*Hic*

*Hic simul & felix, & mons perhibetur, & altus ;  
 Felix, nanque beat seq., suumq. gregem :  
 Mons altus, tetigit quia summum culmen honoris ;  
 O tria digna sacro nomina Pontifice .*

*DE CALAMITATE  
 doctiorum hominum .*

**P**ERPETVVM uirtus, qua degere dicitur auum,  
*Vt certè pridem nescia mortis erat ,  
 Et felix, alacrisq. latet sub vestibus atris,  
 Nunc patiturq. necem, temporis atque vices.*

*AD GABRIELEM PALEOTVM  
 Cardinalem .*

**Q**VAS sibi pontificum poscit preciosa tiara  
*Cælesteis dotes, quis neget esse tibi ?  
 Conspectuo clarum Gabriel te stemmate nobis  
 Legitimo partu Felsina lata dedit ;  
 Humano, faciliq. nihil te gratius ; a quis  
 Et tua censcité facta probantur auis ;  
 Pontificum nosti libros, & cinica iura  
 Codice scripta tuo, pseriosq. sonos :  
 Sacra Deum, moresq. probos iuueniq., seniq.,  
 Et puero constas collibuisse tibi :  
 Praeq. alijs cupidus Farnesius, & sacer adis  
 Praxedis custos est Paleote tui ;  
 Pontificem dare qui soliti : modò uita superstes  
 Sis tibi, quis nescit te fore pontificem ?*

79

DE IUNIORE HIPPOLYTO,  
& Virbio.

IUNIOR Hippolytum qui priscum nomine reddit,  
Rebus ab Hippolyto dissidet Hippolytus;  
Ille verecundus, pudor huic non ullus; amore  
Hic perit incesto, castus at ille fuit.  
Hic meret Hippolyti nomen, non Virbii insons;  
Dixit hic etenim qui laceretur equis.  
In calumniatorem nouorum operum.

QVOD nihil in lucem profers piger, arguis omneis  
Authores operum, quæ noua quisque probat;  
Et vigilata tibi numerosa uolumina iactas,  
Abdita quæ latebris carpere nemo potest.  
Aut profer tua scripta, notent quæ ritè magistri;  
Aut scriptos nuper parce notare libros.  
Quòd te luor edit, nasum quòd iudicis horres,  
Nil edis; sed opus corripis omne nouum.

AD TORQUATVM TASSVM.

PINXISTI rem quanque suo Torquate colore,  
Ingenio uates, & pictor nobilis arte;  
Nec melius quàm tu, ueteres sonuere, nouiq.  
Præcipuè celebres, quos iactat Hetruria, cycni  
Historias, dulcesq; iocos melicoq. grauiq.  
Carmine: te talem sapiens affirmat, & æquus  
Quisque; tuo contrà te pingere nemo colore  
Sufficit, argutus quamuis, notusq. poëta.

*Talibus ornarunt Musa te dotibus, ipse  
Tot tuapreceptis formasti pectora pictor,  
Vt te pictorem non exprimat ullus ad unguem.*

**AD SCIPIONEM SIMONETAM**  
*regium insubrum custodem.*

**A** *DTyriam migras clarissime Scipio Calpen,  
Herculeum porro certus adire fretum:  
Hesperios uites astus, caurosque monemus;  
Et podagram cures, inualidosque pedes.  
Incolumi regum tibi rex, fors aqua, Deique  
Plenus emerito præmia digna ferent.*

**DE CONIVGIO CLARÆ SIMO-**  
*neta, & Gabrij Tonsi Iureconfulti.*

**L** *AVDIBVS insignis uiguit si Tonsa propago,  
Et meruit nomen, perpetuumque decus,  
Si Simoneteosque uiros, matresque pudicas  
Herois miscet gloria parta choris;  
Quis Simoneteis nuribus, Tonsis que maritis  
Progenitos similes non fore dicet quis?  
Heros si Tonsus, Simonetaque creditur, heros  
Is geminus, si quem semen utrumque dabit.*

*Ode Monocolos.*

**AD PETRVM FAVNVM**  
*Coslaſaram Episcopum.*

**P** *VLCHRIS sacrificus nobilis artibus,  
Parce præstitibus quas uideo, nouis*

*Quæſitas*

*Quasitas, populos ( credo ) anibus bonis  
 Insubres adiit : se quibus aggregat ,  
 Permiscetq. uolens , ut pius adiunget  
 Largis pauperiem muneribus, Deo &  
 Gratus conciliet numina perditis :  
 Agrestesq. probis moribus integer ,  
 Præceptusq. sciens augeat inscios  
 Cives ; atque animis nubila nubilis ,  
 Et morbos adimat turpibus , & reis .  
 Castæ cum pueris dicite virgines  
 Versus , & superos tollite laudibus  
 Diuos , præcipuè cœlicolum patrem :  
 Intactæq. uiris , atque puerperæ  
 Lectæ uirgineo , & supplice virgini  
 Hymnos ore sacros addite virgines ;  
 Quòd diuum placido non sine numine  
 Faunus uir sapiens , & sacer , & probus  
 Impulsu , & monitu commoda regio  
 Spem letamq. ferens aduena ciuibus ,  
 Horum se placitis continet in locis ,  
 Ceu celsò monitor missus ab æthere .*

## AD APOLLINEM , ET MUSAS .

**A**DVERSERE licet nobis Thymbræ sinister ,  
 Musa licet mecum tristia bella geras ;  
 Inuitis tamen & musis , & Appolline rauca  
 Conabor querulos uoce sonare modos .

L

Haud

*Haud etenim in diuum refero uos numina ; diuos  
 Nec uoco, queis constat roboris esse nihil :  
 Ius quibus est proprium defendere posse negatum ,  
 Quos fugat omne forum, respuit omnis herus .  
 Cedite diuitibus , trabeatis cedite uicti ;  
 Et uexillifero , miluibusq. feris .  
 Quid quòd uos leno , & pellex ludibria ducit ?  
 Quid quòd pro nihilo uos parasitus habet ?  
 Pastor in Admeti syluis Lator, culinam  
 Nunc coquus insistas ; uascula Musa laues .  
 Non alius uobis usquam locus , arsq. relicta  
 Nulla, lyra precium corpora nuda , fames .*

*In obitu Andreae Sacerdotis Seruata .*

**F**AVTORES cupidos plures, carosq. sodales  
*Est prædata meos mors uiolenta mihi .  
 Scilicet hac nostro deerat noua plaga dolori ,  
 Quam mors inflixit tristis amice tua .  
 Tristis nempe mihi , felix tibi ; nanque beatis  
 Te Deus inseruit pro pietate tua .*

*In scelestos homines .*

**I**MPIA uis epulas inopi subducit , & agræ  
*Turba, turpis uti membra saginet equæ ;  
 Et pictis uolet sicari membra lacernis ;  
 Extollatq. nocens, sacrilegamq. caput .  
 Non leue supplicium pendit, qui perdit egenos ,  
 Pus ut alat, tetram sustineatq. luem .*

*Non*

*Non pellex, homicida, senexq. scelestus ademptum  
 Victum impune ferent pauperibus tenuem.  
 Arbitr afficiet poenis hos rectus; inulta  
 Haud etenim patitur tristitia facta Deus.*

*In balbutientem.*

**O** *RE nates dixti, conatus dicere nares,  
 Naribus & resonis concrepuere nates;  
 Dissociare nates, & nares non potis, istis  
 Naribus olfacias usque, petasq. nates.*

*In obitu Prosperi Pansani.*

**V** *IRTUS pulchra tuo Prosper te nomine dignum  
 Fecerat, & Phoebus iudice prosper eras;  
 Indignum leuius te nomine casus eodem  
 Reddidit, esq. habitus iudice sorte miser.  
 Visa tamen potior Phoebi sententia, nanque  
 In nitido felix aethere Prosper agis.*

*In sacerdotem plus aequo nouis rebus studentem.*

**S** *ACRIFICI recto te fungi munere leges,  
 Et placare Deum supplice uoce iubent,  
 Addictumq. sacris, hominum dimittere curas,  
 Nec curare vices, & noua facta ducum.  
 Totus in humanis tamen es; nec sacra minister  
 Queris, ut indignus sis sacer, atque sacer.*

## AD HORATIVM CARPANVM. I. C.

**I**V S labyrinthæ ereptum flexibus , æquo  
 Te monstrante viam , tramite tendit iter ;  
 Iusta tuus decreta labos insignis Horati  
 Explicuit , nodis indupedita diu .  
 Hinc sua neglecti retinebunt iura clientes ;  
 Promptius & causas quisque patronus aget .  
 Sic dotes Carpane tuæ , tibiq; insita uirtus ,  
 Sic laudes clarent , integritasq; tua .

In nuptijs Diana Biraga, & Alsonsi Rinoldi I. C.

**B**IRAGO S geminas felix Hymenæe Rinoldis ;  
 Sic geminas viros legibus , arma togæ ;  
 Vt renoues genus antiquum , inuictosq; Catones ,  
 Scipiadasq; duces , legisferosq; Numas .  
 Quis non heroas prolem putet esse daturos ,  
 Quæ referet priscos arte , manuq; patres ?

## AD IACOBVM SCOTVM.

**S**COTVS es , at pura splendes ut lucifer æthra ;  
 Et docto iuuenis plus seniore sapis ;  
 Italiaq; procul diuiso natus in orbe ,  
 Accentus italos , tuscaq; uerba sonas :  
 Græcaq; lingua tibi nota est , sermoq; latinus ;  
 Nobilis et uates , atque disertus homo es .  
 Bis seni niteant homines uirtutibus istis ;  
 Bis sex ergo hominum linguaq; , mensq; tibi est ,

DE



**F**RIA nunc uatum vinopit~~ere~~ caterna  
Coepit, castalios quæ bibit ante lacus;  
Cauponam tractat discinctus Apollo, culinam  
Ternis; hinc epulas, vinaq. carmen olet.

De interitu suæ catellæ.

**Q**UO formosa, tenella, parua fato  
Es surrepta mihi canis sinistro?  
Quæ tam barbara, tam cruenta lenem  
Ausa est perdere te manus catellam?  
Angustumq. caput tuum ferire?  
Illum crediderim esse viperini  
Partum seminis, aut lupi voracis,  
Tigridisue fera cruore natum;  
Qui non horruit asper elegantem  
Heu te funerea necare dextra.

EPITAPHIV MIO. ANTONII MAGGII.

**N**ON paucis Maggi genitis virtute paterna  
Imbutis, urbem te decorasse palam est.  
Cuius ut patriam ditasti, cuius axem  
Ditaturus, eum præuius ipse colis.

AD ADRIANVM SOLARIORVM OPIFICEM

**V**T præcelluit omnibus vetustis  
Nautis inclytus arte Tiphys, argon

Qui

Qui nexit, faber Adriane fabros  
 Sic notos superas honore, norma  
 Qui ducunt volucres in are terfo  
 Horas, seu libet equinoctiales,  
 Seu quas plana ferunt meridiei  
 Puncta posterius, priusq. latè  
 Erranteis, aliasq., Clauyq.,  
 Orontiq. graui stylo notatas:  
 Ne cunctos ueteres, novosq. dicam  
 Scriptores, quibus horula fugaces  
 Sunt picta sapienter. et quis equus  
 Non tuum ingenium, tuas & artes  
 Miretur? quibus anteis magistros  
 Omnes: sed nihilo minus probaris  
 Pulchris moribus, integraq. uita;  
 Sic candore places, manuq. docta.

*In funere Antonij Rubei I. C. & iustitie praefecti.*

**Q**UI rubens facie fuit, & cognomine iudex,  
 Sublatus nigra nunc quoque morte rubet.  
 Quin perlucidior nunc eius in ore rubedo est,  
 Inter sidereas nam rubet ille faces.  
 Debitus hic homini fuit & status, & nitor aquo;  
 Picta sit ut pietas, iusq. colore suo.

*In obitu Francisci Sansouini equitis.*

**M**ORS Sansouinum per quem lux itala mortem  
 Effugit, prohibet luce nitere sua;

*Aeter-*

*Aeternam meruit lucem , uitamq. perenni  
 Lumine qui sparsit splendida facta uirum ;  
 Quos tamen huic fines uitæ præscripsit iniqua  
 Parca , uoluminibus protrahit ipse sibi :  
 Sic omni uicturus eques spectabilis æuo est ;  
 Sic Mortem uicit , lanificasq. Deas .*

*AD LVDOVICVM BALBIANVM I. C.*

*A*NTIQUA sate stirpe Balbiana  
*Ludouice ducum potentiorum ,  
 Heroumq. parente , martiales  
 Consulius proauos , patremq. alumnium  
 Martis , & patruos celebriores ;  
 Haud secus studijs , scientiaq.  
 Ornas , atque tuorum honore fulges .  
 Hinc mistæ facibus faces auitis  
 Tua solis uti faces coruscant .*

*AD FEDERICVM QVINTIVM  
 Iurisconsultum , & præfecti iustitiæ uicarium .*

*I*NUITIS Helicon mihi Camoenis  
*Infirmo petitur , seniq. tardo ,  
 Aegris inuius , & graui senectæ ;  
 Hoc acclue iugum piger laboro  
 Caducus superare , lassulusq.  
 Plantis ; ut faciles sonare rhythmos  
 Addiscam , quibus æquus æquiori ,  
 Atque Apollinis , & Mineruæ alumno*

*Pupillos iterum tibi miscellos  
 Commendem; quibus es meo rogatu  
 Defensorq. , opiferq. destinatus;  
 Quos ieiunus auct lupus uorare .  
 Ac nisi auxilio tuo tenellos  
 Tectos praestiteris, uorax uorabit .  
 Quem si ius sineret nimis furentem  
 Infantes auido ferire dente ,  
 Vah meum malè quem sitit, cruorem  
 Hauriret nimia uoracitate ,  
 Nam quantum pote, me superbus odit ;  
 Per quem faucibus illius pusilli  
 Erepti, peregrina tecta quaerunt ;  
 Ne graue imperium ferant suorum ,  
 Horum res tenuis tuere Quinti ,  
 Meq. : nam merito tibi iuuare  
 Ius est innocuos ; ut arroganteis  
 Reos iure tuo domas habenis .*

*IN FVNERE PETRI ANTONII.  
 Mariani Senatoris .*

*Q*U I uitam Mariane tuam perspexit, & aqua  
 Mentis uota tua, multiplicesq. gradus ,  
 Aut rectà petijisse leuem te ducit Olympum ,  
 Aetheris aut nulli claustra patere putat .  
 Sed potius superum te classibus inserit ; ecqua  
 Si non ista, tibi creditur apta domus ?

*Author*

*Author ad seipsum:*

**N**ONNULLIS ideo vates Baldine videris,  
 Milliarhythmorum quòd tua vena ferat;  
 Contrà tute negas dici te ritè poetam,  
 Enarret ficti quòd tua lingua nihil.  
 Quodq. assentari primatibus, atque tyrannis  
 Oderis, & culpes turpia facta ducum.  
 Ergo recusantem mendacia scribere, ab hamo  
 Leno te Phoebus, lenaq. Musa fugat.

*AD PHILIPPVM ALBERTVM.*

**Q**V<sup>1</sup> lepidos iuuenis solers est ludere versus,  
 Qualeis esse doces culte Philippe tuos,  
 Nulli cessurus veteriq. nouoq. poëta  
 Creditur, impletis cùm sua lustra senex;  
 Nam fructus suauis qui replet acerbus odore  
 Nares, quàm gratè mitis odor erit?  
 Lucundas fruges viridis tua parturit etas;  
 Ac si ver nitidum dulcia poma ferat.  
 Tale dabis vetus author opus (sic secula viuas)  
 Quale Maro felix, Maonidesq. dedit.

*In funere Io. Thomæ Odescalchi Senatoris.*

**Q**VÆ terras viduant mortalibus inuida, clarum  
 Odescalche tuum fata tulere caput:  
 Quod nisi defecto exanimassent flamine Parca,  
 Humanum nemo crederet esse caput;

*M*

*Sed*

*Sed patre Mercurio, lycio uel Appolline natum,  
 Pallade uel docta, sit dea casta licet.  
 Nam didicit quicquid norunt tria numina, terno  
 Lumine quo tellus orba; polusq. nitet.*

*In obitu Francisci Somalie pueruli.*

**E**RG O leua soror tam bello, tamq. pusillo  
 Truncauit puero pollice filabrem?  
 Diuitibus, clarisq. parentibus unicus haeres  
 Paruulus hic, lapsus mortis acerba tulit.  
 Terrenis uetuit pueris colludere Parca  
 Hunc, pueros inter ludat ut ethereos.

*AD D. MARIAM AVSTRIAM  
 Imperatricem.*

**I**NDUPERATORES atauos, patruumq. patremq.,  
 Et sponsum, & natos fata dedere tibi;  
 Austria quam genuit felix heroica proles;  
 Cuius sustentat se ditio fides:  
 Quae sua largitur uirtuti praemia; fontes  
 Et premit, & prohibet ius uiolare sacrum;  
 Cuius tot celebres palmae, tam multa probantur  
 Prælia, quot puris ignibus æthra micat.  
 Tot claram donis cœlestibus heroinam  
 Cœlitis delapsam quis neget esse choro?

*AD*

AD LIBRVM IO. BAPTISTAE

Caballini.

51

**S**I carpit liuore nocens te Zoilus, armis  
Te defende; quibus iura tuere liber:  
Quisquis poscit opem supplex, opis indiget; arcem  
Propugnare uales strenuus ipse tuam.

*In obitu Io. Gasparis Barchini Iuriconsulti.*

**I**N SVBRVM qui iura dabat Barchinus in oris,  
Ad superas felix exiit usque plagas;  
Cui quanquam uita functo res abstulit omneis  
Mors, haud eripuit saeva perenne decus:  
Hoc homo uiuit adhuc, hoc dites uasit ad indos,  
Et gades, numidas, bistoniosq. sinus.  
Huic iter ad caelos restabat, uisere & arcem  
Aetheris; huc uolucrisse tulit ille pede.  
Non ullus Barchine tuos sic nescit honores;  
Atque sonat nomen qualibet ora tuum.  
Sic tibi uita fuit mors, morte sed abstulit una  
Multiplici uitam, iuraq. prisca foro.

*In obitu Cardinalis Moroni.*

**C**ANDIDA morus erat, qua Thisbes cade recenti,  
Et socia nigrui Pyrame cade tua;  
Funere Moroni rubea pro sindone, & ostro,  
Pallia nigra gemens induat ordo p. trum.  
Lugubri uelut atrata est nece morus arrantum,  
Sic tyrias fuscet mors tua more togas.

M 2 In

*In funere Aloysij Cruceij Medici.*

**A**FFECTOS medica curas dum sedulus arte,  
 Lassas membra macer, debilitasq. tua;  
 Dumq. alijs vitam producis, vivere dignus  
 Perpetuò, vitam surripis ipse tibi.  
 O crucium verè, crucias qui, perdis & ipsum  
 Te, ne alios cruciet, conficiatq. dolor.

*AD PHILIPPVM HIST.*  
*Regem.*

**I**MMATVRA tua quoniam fleuere poeta  
 Nuptia fata rudi diue Philippe sono,  
 Tam te flere decet, quàm lethum coniugis; illam  
 Fata, tibi vates eripuerè decus.

*DE ROMVLO ARCHINTO*  
*Episcopo.*

**R**OMVLVS Antistes sobolis lux clara uetuste.  
 Archinta, vitam non moriturus agit;  
 Huius inest gremio terræ pars altera matris,  
 Pars melior summo cum genitore viget.  
 Huic famam tribuit uirtutis premia mater,  
 Vitam dat superum pro pietate pater.

*De eodem.*

**H**AUD facile insontes animas abducere prado  
 Ad manes potuit, tanariasq. domos,



Romulus antistes dum dijs acceptus, & idem  
 Archinta gentis gloria, paui oues .  
 Ditis hic inferni sceleris monstrator, & astus,  
 Ad superas sedes his patefecit iter .  
 Sublato pastore gregem post auferet hostis ;  
 N<sup>o</sup> tegat hunc mutis prouida cura Dei .

*Ad Grammaticos.*

Q<sup>U</sup>ID doctas prodest uobis coluisse Camoenas  
 Grammatici, & latices ore bibisse sacros ?  
 Quid tantum vigilis insudauisse poluís  
 Artibus, & culis inuigilasse libris ?  
 Atque animos iuuenum dociles formasse receptis  
 Dictatis uatum, rhetoricisq. inuat ?  
 Primi sensistis damnum miserabilis aui ;  
 Primis eripiunt publica iussa lucrum .  
 Et dulces natos ( miserum ) nuptasq. fideles  
 Vestras edictum uiuere, uosq. uetat .  
 Musa uale ; tristes saua qua peste magistros  
 Sauius occidis ; pestis & ipsa grauis .

*In obitu Octauij Archinti.*

O<sup>C</sup>TAVI prater summa praconia laudis,  
 Atque tui dotes stemmatis, atque tuas,  
 Tam pius in miseros, inopesq. es notus ; ut ipse  
 Desieris custos, & memor esse tui .  
 Vt tua ferret opem compressis carcere sauo,  
 Authori nocuit dedala cura suo :

*Nanque*

*Nanque epulis alitus lautis , auraq. salubri  
 Ausus es immunda tecta subire domus ;  
 Ut serres gratasq. dapes, solamen & agris ;  
 Ac ne deficeret spiritus hosce levis .  
 Insuetus tetros hinc traxit nasus odores ;  
 Qui tibi luctifica causa fuere necis .  
 Mors tua uita fuit morituris ; morte sed ista  
 Perpetuò felix vita reperta tibi est .*

*In obitu Scipionis Simoneta Senatoris .*

**H**INC distas procul hesperio Simoneta sepulcro  
 Clausus, ad insubres haud rediturus agros .  
 Flebilis heu natis, fratriq. , tuisq. propinquis ,  
 Et celebri patria, patricijsq. uiris .  
 Mens praesaga mali renuit tua munus, obire  
 Quod praestans animi quisque Senator auct :  
 Non quòd despiceret titulos, & regia dona ;  
 Sed quoniam agra tua praescia mortis erat .  
 Maluit haec absens tamen inservire Philippo ,  
 Quàm praesens custos corporis esse tui ;  
 Praecipue quòd onusta breui se vidit ituram  
 Ad superas, requies est ubi certa, domos .

*In Obitu Gotardi Reijna Senatoris .*

**N**IL insyncerum recipit purissimus aether ;  
 Nil ubi materiae dicitur esse loci .  
 Cùm fueris Gotarde tua syncerus in urbe ,  
 Dignus es, ut puro purus in orbe mices .

*In*

*In aduersarium.*

**C**VR infensa mihi lectorum docta corona  
 Est, modò carminibus concelebrata meis?  
 Rodere cur gaudet morsu, quem nouit amicum?  
 Cur laudatorem terret acerba minis?  
 Haud puto nobilium praeordia tincta veneno  
 Esse, quibus virus cura fugare nigrum est.  
 Unius erugo sociorum concitat iras  
 In me; fulmineo quem Deus igne petat.  
 Immò sicut auct citius me perdere tristem,  
 Sic precor infelix uiuat ut ille diu.

*AD IO. BAPTISTAM**Carcanum medicum.*

**Q**UIS studet insidijs veterem, quae gratia tecum  
 Est mihi, vel fictis dissoluisse notis?  
 Non me (versutus quod somniat ille) magistro  
 Vsus es; ast alios mystica sensa doces.  
 Sed certare tibi quia Marte recusat aperto,  
 Arte ciet tecum tetra duella mihi.  
 Carcanè dum maculat mendis te, laudibus effert:  
 Soluere dum querit pectora nostra, ligat.

*AD CAESAREM MILLEFANTUM.*

**C**ARMINA, quae cecini, suades mihi Caesar ut edam;  
 Hac ratus esse nefas oculuisse mihi.  
 Authori latius decus vulgata, nec ulla  
 (Vt renuat Lachesis) deperitura die.

*Oueluti*

O' veluti grato bonus es modulamine vates ,  
 Vates sis monitis , augurioq. bonus .  
 Hæc seu veridico , seu falso præcinis ore ,  
 Astipulor cupidè nutibus ipse tuis .

*D. Simpliciano .*

**N**obilioræ tuæ tumulabimus ossa cohortis ,  
 Reliquiasq. tuas Simpliciane loco  
 Non sine solenni pompa ; quo ductus honore  
 Nos præsta indemnes , innocuosq. pater ;  
 Hancq. tibi dictam notis cum ciuibus urbem  
 Ut seruet , rogita supplice voce Deum .

*D. Simpliciano , & Victorino rhetori .*

**A**d frugem euasit rhetorq. , catuq. senator  
 Plurimus admonitu Simpliciane tuo .

*Diuis Simpliciano , & Augustino .*

**M**ensq. Augustini diuina nescia legis ,  
 Hanc edocta probè te monitore sapit .

*Diuo Geruntio .*

**C**elsa Turingis , Erulq. nocentibus urbi ,  
 Eripuit diuina malis hanc cura Gerunti .

*Diuo Benigno .*

**D**iruta Turingis , Erulq. sacraria , & ades  
 Dias restituit virtus inuicta Benigni .

*Diuis Ambrosio , Sisinio , Martyrio ,  
 & Alexandro .*

**Q**uos docuit treis Ambrosius sacra mystica diuos ,  
 A manibus casos vidit Agauma feris .

*Diuis*

*Diuis Sifinio, Martyrio, & Alexandro.*

**H** *I Mediolanum propè captum uiribus, hosti  
Induperatori surripuere duces.*

*Diuis Sifinio, Martyrio, & Alexandro.*

**V** *Rbs ope diuorum victrix, quo gloria parta  
Est, festum hunc statuit ciuibus esse diem.*

**R** *Elligio prohibet ( tanto se robore fulsit )  
Ne tenuis fiant membra caduca cinis .*

**N** *On Arabum merces, nec ebur, quod ditior Indus  
Mittit, emunt, sed cana fides cœlestia dona .*

**A** *Eterna tibi mentis opes, non copia rerum,  
Aeternum possunt conciliare Deum.*

**I** *Rritus est hominum labor omnis, & irrita cura;  
Excipio sanctum, quod meditantur, opus.*

**I** *Mpuris fugiant manibus temerare profani,  
Qua sacra prœstitibus fas tetigisse pijs.*

**I** *Ntegrus ideo capit urna cadaueris artus,  
Quòd veges in puro spiritus axe nitet.*

*D. Petro.*

**Q** *uisquis celsa sequi gaudet uexilla tonantis  
Petre, pugil fortis te duce bella gerat.*

**N**

**De**

## De Nerva Imperatore.

**H**AVD genuit natos, sed multa dictus habere  
Natorum. populi dominator Nerva, parensq.

## De M. Aurelio.

**Q**UIS gemino scribes Marci praemia versu,  
Quae sunt materies diuinae historiae?

## De Caio Caligula.

**Q**UIS dicti ducis à caliga perstringere paucis  
Labes sufficiat, quas numerare nequit?

## De interitu M. Crassi.

**A**CRIOR effugio Parthus, te Crasse necato  
Haud tutum esse uiris nimium sibi fidere monstrat.

## Ad Augustum Casarem.

**T**ERRARVM te rege poli rex editus; orbem  
Rexi pace; fuit pacis & ille sator.

## De M. Manlio Capitolino.

**Q**UAM Capitolinus fortis seruauit, ab arce  
Decidit, ingrata praecipitante manu.

## Ad Paulum Aemilium.

**E**TSI Cannensi cecidisti clade, perenni  
Cognita Paule tamen uirtus tua claret honore.

## De exitio Pompeij magni.

**P**OMPEIUM ex magno truncum scelerosus Achilles  
Fecit, iniqua parit talia monstra pharos.

## De interitu Caesaris.

**V**Itam progenies tibi martia Caesar ademit;  
Demeret ut tristi libera colla iugo.

## De internecone M. T. Ciceronis.

**Q**uod mundus stupuit, quod Iulius extulit hostis,  
Proh dolor, est ausus cadere Lena caput.

In M. Antonium.

**S**ustulit Antoni coniux te casta maritum;  
Sustulit & moechum te Cleopatra salax.

In Marium.

**M**inturna, rabies Sylla, fuga, carcer, & ensis  
Te cruciare satis non valere Mari.

In Syllam.

**L**atum Sylla nefas fuerat tibi sumere clauum,  
Quem licuit tandem deposuisse reo.

De Nerone.

**E**necta pro matre neci demisit atrocem  
Induperatorem romula iure manus.

In Coriolanum.

**Q**ui tibi, quique tuis nullam finis esse quietem,  
Semper apud manes irrequietus eris.

De Tarquinio superbo.

**Q**uod male Tarquinius proprijs cum ciuibus egit,  
Huic demptus Bruto uindice regis honos.

Ad Annibalem Carthaginensem.

**S**unt extenta tibi patrij confinia regni;  
Ut procul à patrijs finibus exul agas.

In Mithridatem Ponti regem.

**Q**uas fieris finem ut uita, tibi filius author;  
Idem fraterna cadis, genitricis & ultor.

*In L. Catilinam.*

**T**E, coniuratosq. viros Catilina, tuasq.  
Tulli consilium, linguaq. fregit opes.

*In Sertorium.*

**S**ertori quem Sylla ferox, quem martia Roma  
Non domuit, lances inter percussus obisti.

*In L. Corneliū Cinnam.*

**I**nfestum te Cinna tuis Ancone peremit  
Percussum saxi, agminis ira tui.

*In Pyrrhum Epirotarum regem.*

**A**ncipiti te Pyrrhe sono cortina scellit;  
Sterneret ut victum tegula lapsa ducem.

*De C. Fimbria.*

**P**ost caesos hostes, post Ilion igne crematum,  
Consciuit mortem Fimbria iure sibi.

*Ad Alexandrum Macedonum regem.*

**T**egenitum Ioue mentito, magnumq. monarcham  
Extinxit uirus, paruulaq. urna capit.

*In Viriatum Lusitanum.*

**A**ffecit poena suumq., ducemq. cohortis  
Te merita, accepto quem perdidit aere satelles.

*De Tiberio, & Caio Gracchis fratribus.*

**A**spera lex fratres occidit agraria Gracchos;  
Tantum irritauit dites, iustumq. Senatum.

*In P. Clodium.*

**O**B Tulli exilium, constupratasq. sorores  
Treis, bona te Clodi Dea sustulit ense Milonis.

De



## De Claudio Nerone.

**A** Sdrubale extincto Nero consul iniqua Neronis  
Facta rependet, eo melior, quo nequior alter.

## De Cloelia Virgine.

**O** Bses cum flauum traiecit Cloelia Thybrim,  
Præstuit inuictos laude virago mares.

## Ad Lucretiam romanam.

**O** Blatum uitium pensasti funere, vita  
Carior est uerè cara pudicitia.

## De Porcia Bruti uxore.

**I** Ntrepidus uxor Brutus, & nata Catones  
Vulnere, glutitisq. expressit Porcia prunis.

## In Tulliam Seruij Tullij filiam.

**T** Vllia regnandine tibi tam dira cupido  
Venit, ut occisum confregeris axe parentem?

## De Attilio Regulo.

**Q** Uid non terroris, quid non perpeßus acerbi  
Regulus est, ut res publica salua foret?

## De Mutio Scauola.

**S** Cauola Porfenna uictor, non uictus adusta  
Creditus est palma, palmam sic fortis adeptus.

## Ad M. Curtium.

**A** Cceptam patria cupidum te reddere uitam  
Curti, cum uolucris terra uorauit equo.

## In Hippium.

**T** Antus te luxus, tantus furor Hippia carpsit;  
Vt nullis unquam sis satiata uiris.

Ad

*Ad M. Curium.*

**N**on tibi post nummos uirtus speciosior auro ,  
*Dona recusasti qui preciosa, Curi.*

*Ad Fabium Maximum.*

**C**unctanti nisi palma Fabi tibi parata fuisset ,  
*Hæc castris aberat non reditura Remi.*

*Ad Scipionem Africanum.*

**T**e genito uictore ducum duce Roma superbit ;  
*Linternum iactat tua Scipio clare sepulchra.*

*Ad M. Catonem Uticensem.*

**Q**uam durum ingenuis iuga ferre sit, indicat ausa  
*Te tua bis lacerum tollere dextra Cato.*

*Ad Lucium Quintum Cincinnatum.*

**C**um dictator aras , deceat quàm cultus agelli  
*Te dictatores indice Quinte doces.*

*De Marcello.*

**H**annibalem primus deuinci posse probauit  
*Marcellus, confecit atrox quem punicus astu.*

*De Xerxe Persarum rege.*

**C**um uada bina rates geminarunt , milite raro  
*Diuiso Xerxi dedit ansam Cypria mortis.*

*Ad Epaminondam Polymni filium.*

**G**loria Thebarum nituit tecum orta Polymni  
*Nate , eadem tecum contumulata iacet . .*

*De Cyro Persarum rege.*

**P**ersida qui rexit , gentesq. subegit Eoas ,  
*Mortuus ore suum potauit in utre criuorem .*

*De*

## De Semiramide.

O Rnasset uaria Babylona Semiran. is arte,  
Immoderatus eam ni scelerasset amor.

Ad Didonem.

V Ixisti coniux incesta, pudicaq. Dido;  
Hinc tibi dexter Hymen, atque sinister erat.

Ad Sappho poëtriam.

E Elix ò musis dilecta poetria Sappho;  
Ni percussisset te tua cura Phaon.

De Alceste Admeti coniuge.

M Ira cano, coniux fato ne carus obiret,  
Alceste iuuenis creuit obire diem.

De Penthesilea Amazonum regina.

P Enthesilea ducum uictrix ab Achille perempta,  
Viuens, ac moriens rettulit una marem.

De Helena Menelai uxore.

P Vlcera iuuant; damnoſa fuis sed forma Lacana,  
Pernicies Danaum, perniciēsq. Phrygum.

De Penelope Vlſſis coniuge.

T Yndaridis facie, & Cleopatra diuite cultu  
Purius enituit Penelopea fides.

In Commodum.

P Arca uelut nullis parcat, sic Commode nulla  
Adutas inopes commoditate uiros.

Ad Aelium Traianum.

C Andorem Traiane tuum dum quisque latinus  
Principibus cunctis expetit eſſe, probat.

De

*De Virgilio Marone.*

**P**astores, & agros, equitesq. canora Maronis  
Quæ sonuit, Phœbi iam lyra uatis erat.

*De Horatio Flacco.*

**P**indaricos italo qui lusit Horatius, idem  
Luserat argolico Pindarus ore modos.

*De Ouidio Nasone.*

**N**on minus insignis Sulmo Nasone poeta,  
Quàm Flacco tellus est Venusina suo.

*De Valerio Catullo.*

**N**on ita sunt linguæ mellis prædulcia mella,  
Auribus ut doctis sunt mellea scripta Catulli.

*Ad Albium Tibullum.*

**P**erpetuæ quæ causa fuit tibi Delia lucis,  
Perpetuò claret luce Tibulle tua.

*Ad Propertium Aurelium.*

**F**ert obitus alijs festinos flere Properti;  
Sed longinqua dedit uiuere secula tibi.

*De T. Lucretio Caro.*

**R**omani referunt Epicurum sensa Lucreti,  
Cuius Virgilium sermo, Stylusq. sonat.

*Ad Cornelium Gallum.*

**F**lebilis, & suavis tua Galle elegeia mentes  
Cum dulci mista pascit amaritie.

*Ad M. Actium Plantum.*

**S**æpæ fugas salibus ( tantum dulcedinis illis  
Est ) animo curas callide Plante tuis.

*De*

## De Terentio Africano .

**R**omanos docuit romana Terentius Afer  
 Verba, quibus Cicero linguae pater, utitur aptè.  
*Ad Iulianum Gofelinum.*

**A**eternum Gofeline tua dat Musa poësi  
 Vinere; quæ nullis non placitura placet.  
*Ad Claram Gofelinam.*

**E**st clarus clara tibi Clara poetria vates  
 Coniux, sic triplici lumine clara nites.  
*Ad Ioannem Tonsum I. C.*

**V**irtutem superasse tuam fors credita Tonse,  
 Virtuti cedit denique victa tua.  
*Ad Pompeium Biragum.*

**B**iragis addunt Pompei tua lumina lucem;  
 Biragos ornet quò decus omne duces.  
*Ad Alfonsum Somaliam C.*

**P**racipua dotes Alfonso patrisq., tuaq.  
 Non dubie signant nobile stemma tuum.

*Ad Georgium Triultium Iurisconsultum, & Senatorem.*

**P**rimus nobilitas est vultus doctæ Triulti,  
 Notum ius alter, tertius ordo tibi.  
*Ad Gabrielem Tonsum I. C.*

**N**efausito quicquam desit tibi Tonse, probata  
 Est tecum coniux auspice iuncta Deo.  
*Ad Paulum Camillum Marianum C.*

**H**aeres emeritiq., probiq. Canulle parentis,  
 Quæ deceant homines, illius instar habes.

O

Ad



*Ad Io. Marcum Favianum . .*

**I**nteger, & locuples, & vates nobilis idem ,  
Ecquis te præter sedule Marce uiget ?

*De Baptista Vicecomite Hærede nuncupato .*

**Q**uem rex hospitij incipum præfecit , hic angus  
Quamuis mistus eat , quis neget esse pium ?

*Ad Ioannem Marianum C.*

**A**cceptum vulnus, legatio, regis & aura  
Pectore quàm ualido sis Mariane docent .

*Ad Rinaldum Abduensem .*

**N**on tibi sortitò fors Abdua præbuit amplas ,  
Sed tribuit meritò Iuppiter auctor opes .

*Ad Io. Baptistam Borromeum C.*

**S**i quicquam beat hic hominem , sortitus id esses ;  
Si non moereres casu percussus iniquo .

*Ad Antonium Mariam Carabellum .*

**A**ndina dare digna tuba tibi carmina cura,  
Et lites adimunt, uena sit, arsq. licet .

*Ad Octavianum Piccium I. C.*

**C**onsulis Dea Pallas adest , sed Apollo poëta ,  
Quo Picci summè fautor uterque tui est .

*Ad Io. Antonium Zanatarium I. C.*

**S**i Deus est, quoniam mortales iuuat, Apollo ,  
Antoni diuus tu ratione paries .

*Ad Aloysium Terzagum I. C.*

**R**hetorica, iurisq. sciens Terzage libenter  
Accepit, reducemq. cupit te Roma, probatq.

*De*

## De Fabricio Candiano.

**F**abricio doctrina nihil, nil copiarerum  
Prodest, sollicitant quem fora, lusq. frequens.

Ad Iulium Cæsarem Carcanum I. C.

**C**arcane iuncta tibi scito cum iure poësis,  
Vt Phoebe fratris luce corusca micat.

Ad Io. Baptistam Fopium.

**V**lustres animo cœlestia numina, doctam  
A medica mentem retrahis arte Fopi.

Ad Alexandrum Simonetam.

**I**nsubrum sanguis, Roma nutritus, & artes  
Doctus Alexander, nihil es non laudis adeptus.

Ad Gherardum Borgonium.

**I**ngenio facili facilis, felixq. Thalia  
Est, faciliq. fauet culte Gherarde tibi.

Ad Brunoram Petreum C.

**N**obilitas, titulusq. tibi, virtute minores  
Sunt, licet hos iactes docte Brunora gradus.

Ad Hieronymum Brugoram equitem.

**T**ei iuuenem monstrat iuuenum flos Brugora vultus,  
Sed virtus animi, sensaq. docta senem.

De Hieronymo Casone philosopho.

**S**iquis Aristotelis sensus, præceptaq. uatum  
Scire cupit, facile hæc discet Casone magistro.

Ad Cynthium Io. Baptistam Ghyardum,

**S**unt alijs alia res cordi; grata Lucreti  
Quantum non ullis lingua, stylusq. tibi est.

*De Archintus fratribus.*

**Q**ua pressè ligat Archintos pia copula fratres,  
Nobilitas, virtus, integritas, & honor?

*Ad Dominicum Claritum.*

**Q**uòd clares candore animi, numerisq. lepore  
Tusco conditis, Claritus ritè luocaris.

*Ad Melchiorem Aciatum.*

**S**i studiis operam perges nauare, duobus  
Accedes Splendor tertius Alcatis.

*Ad Prosperum Vicecomitem.*

**I**n columis, prudensq. licet sis nomine Prosper,  
Et locuples, angit te tua cura tamen.

*Ad Syluium Spannochium I. C.*

**N**on ego carminibus binis te dicere Sylui  
Sufficio, proprium quem satis ornat opus.

*De Hieronymo Pico Mirandulano C.*

**I**ndigetis Pici sequitur vestigia Picus,  
Aemulus est Pici sed Picus uterque latini.

*De Andrea Camutio Medico.*

**M**embra senescens Camuti roborat etas;  
Ex medica fructus hos capit arte senex.

*Ad Io. Antonium Maggum.*

**S**i meritis foret æqua tuis fortuna, quis esset  
In nostra Maggi te fortunatior urbe?

*Ad Prosperum Pansanum.*

**L**ætitiæ Pansane tibi mens conscia recti  
Fert hilarata sonis, Pieridumq. choro.

*Ad*



*Ad Aldum Manutium iuniorem.*

**P** Aulo nate, nepos Aldi, cum rebus utrunque  
Præstes, cur solum nomine reddis avum?

*Ad Vincentium Narbonam.*

**C** Oncilias Martem Musis Narbona canendo  
Dulces, dum tractas arma cruenta, modos.

*Ad Iulium Bartum Sacerdotem.*

**B** Arte sacer quoties quid honestum, quidq. decorum  
Sit memoras, animam tibi remur inesse Platonis.

*Ad Iacobum Antonium Phrygium physiologum.*

**D** Aedala Binaschi fecit te cura poetam,  
Nimirum si blandè Phrygi das nobile carmen.

*Ad Petrum Antonium Chiochium I. C.*

**Q** Vàm uigeas animo iurisperite Chiochi,  
In sene facundo vigor arguit iste uirilis.

*Ad Bernardinum Baldum.*

**Q** Vis tua mille queat præconia dicere paucis  
Balde, sit is Pæan, Mercuriusue licet?

*Ad Torquatum Tassum.*

**T** E præter qui Tasse studet te pingere, laudes,  
Te dum commendat, deterit ille tuas.

*De Leone Aretino Eq.*

**Q** Vicquid Praxiteles, Mys, Zeufis, Mentor, Apelles,  
Atque Myron finxit, fingit & arte Leo.

*Ad Augustum Decium.*

**V** iuit ut extento Raphaël, Bonarotus & auro,  
Sic longum vines ingeniose Dec.

*Ad*

*Ad Carolum à Basilica Petri Sacerdotem.*

**R** Elligio causis praelata forensibus, atque  
Diuitijs, non obstipum te denotat esse.

*Ad Ioannem Spinofam.*

**I**N scriptis Spinosa tuis nil esse videmus  
Spinosi, tanquam leueris illa cedro.

*Ad Franciscum Linum.*

**F** Arnesi lux clara tuam, tuaq. illius ornat  
Lucem, ceu puro Line claret sidere sidus.

*De Philippo Rinoldio I. C.*

**P** Ro meritis Tyrio Rinoldius iret amictu  
Cinctus, si sineret connubiale iugum.

*Ad Marcum Antonium Messalian C.*

**L** Vx Academia viuit te sospite Marce;  
Sic tecum det ei viuere seclapater.

*Ad Alexandrum Panigarolam Senatorem.*

**Q** Vi patris effulges, & fratris honore Senator,  
Laudibus es multo clarior ipse tuis.

*Ad Dominionem Caciã.*

**P** Rasidis illustrat generum te culta mathesis,  
Haud secus, ac generis nobilitas, & opes.

*Ad Franciscum Vialardum.*

**D** Ignus ut allobrogum princeps Vialarde ministro  
Te, domino pariter dignus es ipse tuo.

*Ad Benedictum Guidum.*

**C** Arminibus natura, sacris te Guide voluntas  
Destinat, ingenio est sic tibi velle prius.

*Ad*

*Ad Ioannem Arcimboldium.*

**F**ortunisne, bonisne animi sis ditior, haret  
Quilibet; es certè diues utrisque simul.

*Ad Franciscum Tabernam medicum.*

**H**eben forma tibi iuuenilis adesse, Minerva  
Te Francisce placere probat uigor iste virilis.

*Ad Io. Franciscum Imperatorium sororis filium, medicum.*

**Q**uòd maculis caret, est cordi mihi quisque propinquus;  
Sed magè sum cupidus, quòd sapiis ipse, tui.

*Ad Alexandrum Rubicum Sacerdotem.*

**Q**uòd pia pontificum calles decreta, sacerdos  
Non ferris; sed eo, quòd pia sacra facis.

*Ad Io. Antonium Applanum l. C.*

**P**uillis consultus opem fers; legibus uti  
Hoc est; hoc homines, coelicolaq. probant.

*Ad Iosephum Mesium medicum.*

**M**agni te pendit princeps Aragonius, index  
Promeriti Ioseph, arbiter atque tui.

*Ad Fabium Sermundum.*

**I**ngenium ueges, & discendi summa cupido  
Care Fabi cumulatæ ferent tibi dona Minerva.

*Ad Carolum Sigonium.*

**Q**uis memores fastos, atque abdita scribes adempto  
Te, cui priscorum ritus patuere Sigoni.

*Ad Eustachium Amatam.*

**C**um proprios tibi Suada, suos Charis afflet honores  
Eustachi, meritò nomen Amatus habes.

*Ad*

*Ad Vespasianum Marinum.*

**M**ens uiget in magno tibi corpore, quo propè uires  
Fers utraque tui parte Marine pares.

*Ad Io. Franciscum Spinolam.*

**F**actus es historijs, usq. seuerior, idem  
Spinola nunc falsis gratus (ut ante) iocis.

*Ad Equitem Cignarcam.*

**C**ui quacunque decent equitem, sunt paria probato  
Ut Cignarca tibi, iure uocetur eques.

*Ad Paulum Cigalinum Medicum.*

**P**hoebo te genitum discens Academia sentit,  
Aegri te credunt Pæone Paule satum.

*Ad Flamminium Papazonem philosophum.*

**F**elsina te natum docuit quod grata iuuentus  
Discit Ticini te proficente, sophos.

*Ad Io. Petrum Imbertum medicum.*

**A**rs ope cum medica te iuncta decenter adornat,  
Vtra prior dubium est, utraque summa tamen.

*Ad Io. Baptistam Restium.*

**M**unus uti præstas animi prudentis, & aequi,  
Idq. sapias Resti, sic mage sospes agas.

*Ad Io. Paulum Sansonem Diui Francisci imitatore.*

**M**ole Philistæus Sanson, & corpore firmo;  
Tu uerò mentis robore Paule viges.

*Ad Federicum Borromaum C.*

**N**on dubiè diues superis operare; quòd ingens  
Te Federice tenet religionis a nor.

*Ad*

*Ad Mozionios fratres.*

**S**ors vestras cumulat opes cum sana; nec unquam  
Aequa magis fratres, nec minus orba fuit.

*Ad Seuerinum Theologum Diui Augustini sectatorem.*

**P**ulchra Seuerini sequeris vestigia, iure  
Vt te quisque putet nomen habere viri.

*Ad Oldradum Lampugnanum.*

**A**ntiqua generosa domus insignibus addit  
Mens tua, si quid eis deerat honoris adhuc.

*De Laurentio Tuscano.*

**I**nsubrium soboles loquitur Tuscanus heruscè;  
Nec Tusci melico gratius ore sonant.

*Ad Io. Antonium Figinum.*

**C**orporea vires, animosum pectus, & artes  
Te Figne tuae magnis heroibus equant.

*Ad Petrum Martyrem Ponzonem Insubrum prouisorum.*

**P**onzon utilium prouisor, adibis Iberos;  
Dignus enim magnis praesto qui regibus adsis.

*Ad Hieronymum Burgundium.*

**I**ngenuos mores, & rerum perspicis usus;  
Ac si Socraticus sis, Ithacique comes.

*Ad Octavianum Cataneum, Caritium.*

**Q**uamuis saepe premant te dura negotia, vatum  
Haud tamen absistis te sociare choro.

*Ad Alfosum Cataneum equitem.*

**V**itricus est vates, genitrix tibi Musa; quid obstat,  
Quin tua det blandum tibia carmen eques?

P Ad

*Ad Tarquiniam Molsam .*

**Q**uod mulces hominesq. feros , & agrestia corda  
Carminibus , digna es nomine Molsa tuo .

*Ad Franciscum Tonsum equitem .*

**N**on pauci ferro vitium tutantur ; at ipse  
Protegis audaci dogmata , inq. manu .

*Ad Iulium Casarem Albicantem .*

**Q**ualis flos inter flores hyacinthinus , inter  
Iuli primores classis es ipse tua .

*De Mandellis fratribus .*

**M**andelli magè sunt studiis , & amore iugati ,  
Quam sobolis nexu , qui ligat arctus eos .

*Ad Henricum Thurnesiam Eburonem .*

**N**on Batavis , latijs Henrice sed ortus in oris  
Appares ; tantum mellis in ore tuo est .

F I N I S .

# Bernardinus Baldinus Lectoribus. S. D.



ON NVLLI insidiatores versutiloqui, & maleuoli iam pridē vberiore epistolam, superioribus verò diebus libellum sycophantiis, & loquacitate plenum, quorum operum me authorem esse titulus falsò indicat, euulgare liberius ausi sunt. qui quicquid scurri- le, & mimicum, atq. a senioris grauitate alienum ipsis in mentem venit, mihi nulla habita honoris mei ratione licenter ascribere non dubitant; nihilq. pensi habent, dum aliquam mihi inurant maculam. Quippe qui dum me afficere molestia omni studio conantur, vobis seduli, & veritatis studiosi lectores dare verba sine dubio student. Ea re vos horum hominum fallacia admonendos esse duxi. Vobis igitur vt sic persuadeatis velim, nullum opus a me antehac editum esse in lucem, quod typis excussum non fuerit; neq. posthac editum sit, quod sent Christiano, & profes- sori liberalium artium meo iudicio dissentaneum sit, & indecorum. Valete.

## Errata.

**P**ag. 7. *Marmoris & telli, telli loco telli scriptum est. Pag. 11. Machaonia spectabilis ante, pro arte. Pag. 20. probitas quibus afficit, pro officit. Pag. 24. quis nescit in atto? pro in alio? eadem Pag. Christi quàm caput in latus acclinatis, lege Christi quàm prauum caput in latus acclinatis. Pag. 33. turpat qui sanguine victum, pro rictum. Pag. 34. Philiodonum Iuriconsultum, pro Iurisconsultum. Pag. 52. dissona proptum, pro promptum. Pag. 73. Ecoritur feritate tua, pro exoritur. Pag. 79. Dignor hic etanim. Dignor pro Dignior. Pag. 108. Claritus ritè luocaris, idest vocaris. Pag. 112. vnus vii prastas, pro prestans.*







6486



